

宋

會

要

水運

紹興十二年七月八日戶部言兩浙轉

運司所發行在米斛例各稽遲訪聞多是押綱使臣等作過沿路住滯偷盜糶和多致失隘官物座有費耗相度得浙西秀湖常州平江府江陰軍地里遠近紐計在路合破日分者湖州至行在地里秀州至行在計一百九十八里計四日二時平江府至行在計三百六十里計八日湖州至行在計三百七十八里計八日二時常州至行在計五百二十八里計十一日四時江陰軍至行在計七百三十八里計一十六日欲令裝發去處才候裝畢於本綱行程上批定所定日分地里於經由去處批鑿到岸及起發日時候到卸納去處伺候司農寺駁磨如內有押綱不依今來立定

日限地里行運在路無故違程或有礙分少欠官物之人並申朝廷嚴賜指揮施行及沿路巡尉妄與批破程限即從所屬按劾依條施行從之十四年四月四日戶部言兩浙轉運司申乞今後押綱使臣校尉副管押米斛馬料赴行在及軍前交卸不以地里遠近除破耗外別無拋失及少欠不礙所立分釐次運所會補足別無違程一歲內每綱累界及三萬碩減磨勘一年每增一萬碩減磨勘一年內馬料陸折推賞從所屬勘會次第保明申戶部指揮推賞依本司所申施行從之十五年三月二十七日戶部言近來兵梢為見所立分釐稍寬公然偷盜於沿路糶賣止及所立批發分釐前未卸納以致少欠數多今措置欲依前項所立分釐止量度遞減一釐批發其押綱押米少欠非獨兵梢盜糶其間亦有元萊州軍專糾等意在拘收出刺米船作弊移易於交裝之時或縮斛面侵量及當未糶納米斛多有濕惡或米雜糠糶致下卸攤暴擲颺淨米送納其欠折止令押綱兵梢備價今欲行下浙西州軍如遇當司押綱到來裝發糧斛並仰於職官及司戶主簿或監當一負更差撥一負於交裝倉分先次監視斛面及封記過船堵面方得發行亦免偷侵之弊如有欠少依條施行仍乞約束行在諸倉今後交卸官物並請監官躬親監視兩平交量卸

納母令合千人作過大量所費不致虧損從之 七月四日四川宣撫使

司奏准紹興十三年冬祀大禮赦內一項四川向緣般發糧運汴流牽挽

間有拋失欠折之數淹繫困圍償納不足深可憐憫仰宣撫司分委疆明

官覈實如委因風水拋失即予蠲放其有侵盜已被拘籍財物償納不足

者責限十日結絕仍各錄事狀以聞今據知恭州權夔州路提點刑獄張

茂申取會覈寔到浩點開達州南平軍等處共拋失米二千七百五十餘

碩錢六百五十餘貫並係寔無家業償納依赦合行蠲放詔依 十六年

二月九日詔成都府路合應副紹興十七年水運對羅米可依紹興十五

年正月已降指揮減免施行以四川宣撫使有請故也 五月四日上諭

宰執曰聞日近綱運到往往門外剝卸再般運入倉極為費力自有河道

可令開撥恐漸致埋塞非特綱運不通商旅亦自阻絕 十八年五月八

日臣僚言竊見兩浙路運米使臣係曹司差募例皆參部有礙或貧乏不

能待次求為押綱志在盜糴官物以給衣食賞罰不能為之利害故勸沮

不行焉押米之法最為詳備既不到部則減展磨勘遂成虛文歲月滋久

積欠有至數千碩者理難一併追索不過行下所屬除豁兵梢請給移文

不已實無有也欲望改付銓曹選有心力使臣管押理為短使無欠而願

一併押者聽之如此則畏勸行而官物不失矣亦革弊之一端也詔令吏戶部措置申尚書省逐部今措置欲依臣僚所請候兩浙運司實封報到合用負數將前任請大添支回忝部大小使臣先次差撥如不足大使臣差前任請驛料人小使臣差合着常程短使人其所差人兩選隔閡差撥謂如報到兩負各差一負應副管押一次更不摺運如願再押者聽差管押別無少欠不了事件除所屬合得酬獎外不以遠近地里更與先次占射差遣一次今後如遇兩浙運司報到合用負數依此差撥從之 十九年十月十六日太府寺丞李壽奏竊以國家常賦皆自諸路綱運起發俱有著令比年以來州郡監司不務遵守往往多差未出官選人管押以覲賞典多不得人例將官錢變易公然盜用良由初官未請世務不知憲章既無顧藉得肆侵欺欲望特詔有司申嚴行下今後綱運不得輒差初官人管押庶免欺弊詔令戶部看詳本部契勘合發錢物全在當職官恪意選擇畏謹有心力官管押所有未出官選人竊慮其間亦有顧藉酬獎可以倚伏之人緣合得賞典太優今欲下諸路監司州軍如差未出官選人押發綱運令增倍管押候到合屬庫務交納了足止與依見行本等格法推賞從之 二十一年七月二日上諭宰執曰漕司米綱近年多差本司使

臣往往作弊致濕惡腐壞可令本司申吏戶部依祖宗法差在部短使人
庶有顧藉不敢作弊 八月七日詔武畧大夫筠州指使陳寶進毀出身

以來告勅文字除名勒停送歸州編管以寶管押本州折帛錢綱赴池州
太平州交納在路違法借貸法當絞特貸之 九月十六日詔諸路轉運

司今後押綱使臣許於本路州軍見任指揮使准備差使內踴躍選差有心
力可以倚仗之人先是本司多差不曾到部付身不固軍中揀汰使臣無

賴作過官米濕惡不堪支用至是戶部有請從之 二十二年三月二十
六日詔四川監司州軍今後募差管押綱運須管先選有行止可以倚仗

官及召有行止付身圓備之人充保如押人侵使移易其保官與降兩官
元募差不當官吏依紹興五年已降指揮降一官放罷人吏從杖一百斷

停所少錢物除押人依法斷罪仍估賣家產填納起發外如有未足數目
於干僚人名下依條追理從戶部請也 十一月十八日南郊赦勅會監

司州軍差委見任官管押綱運交納別無違欠合行推賞內有依條不應
差出官以此不與推賞無以激勸今後似此人如無少欠違程與比附正

押綱官減半推賞 十二月六日戶部言諸路合起發米斛赴行在并
外路却納綱運除官綱係差短使或指使自有立定分釐耗折罪償外所

雇客綱條逐州軍依見行條法指揮召募文武官管押從來多無欠折至卸納處並無耗折如交納了足方行推賞近來所押客綱却有欠折下卸去處使依官綱地里分釐除破耗折暗虧官物魚客綱自合依所降指揮拘收水脚錢分數前來卸納處准備填欠其客綱破耗與他官體不同欲乞將江湖等路今後如募差文武官管押客綱破耗與比官綱減半除豁耗米方得推賞所有今來未申請以前元管押客綱未經推賞破耗綱運且依已保明到推賞事理施行即於見行條法別無相妨庶免暗虧官物詔依 二十三年六月五日戶部司農寺言契勘諸路起發斗斛赴卸納處依節次所降指揮押人已有等第推恩內除兩浙賞格已是適中外有其餘路分合起糧斛差募押綱舊立賞典委是稍優今相度欲乞申明將江東西京荆湖南北淮南路諸州軍今後起發米斛綱運至下卸處差募文武官校副尉并未出官選人及不應差出官依見行酬賞指揮上各與三分內減一分所有日前赴所屬納畢綱運亦乞且依先保明到事理依舊推賞餘依見條法指揮施行庶得均濟從之 十八日右正言前崇政殿說書史才奏伏見諸路州軍起綱發納錢物差官及使臣衙前兵梢等押赴行在所合屬倉庫交納至有折欠數並將合千人押下排岸司追理排

蘇岸非行法司官無所研問得其人則使人監守夜則寄禁錢塘仁和兩

縣獄中其人皆遠去家鄉無親故可以假貸身為囚繫欲償無路情不獲
伸徒淹歲月凝寒烈暑不得休息糧餉不繼困餓狼狽累累相屬而莫之
恤夫損失官物而責其備償有侵盜貿易之弊者付有司治之則情可得
辦可追不待監禁之嚴而弊已革矣乞應倉庫交卸綱運折欠並而時共
名色數目中解所屬見得有侵盜貿易之弊者送大理寺推治其過誤擄
夫並押下元起綱處依法施行况本處自有批當委保與身分請給皆可
備償追足附綱起發則折欠可不擾而辦從之 二十六年七月十三日

詔行在排岸司見監繫未斛綱運管押人并綱梢一百餘人陪填在路批
發所欠未斛皆是貧乏之人無可填償日夕飢餓情定可憫並與蠲放外
路有見繫似此之人若非侵欺盜用委是折欠即依此施行 二十七年

七月十二日兩浙路轉運司言為浙西州軍人戶納苗米水腳錢赴通判
廳縣丞廳於經總制庫收貯并管押未斛馬料赴行在及軍前交納每船
及二萬頃計減磨勘一年每增一萬頃減磨勘半年及押綱使司兵猶合
得請給乞撥定州府應副依條限幫支倉部勘當押綱使臣管押未斛馬
料赴行在及軍前交卸除破耗別無拋失及少欠不礙所欠分釐次運折

會補足別無違程一歲內每綱累押及二萬碩乞許減磨勘一年每增一萬碩減磨勘半年所有欠多押綱兵梢合該責罰及兵梢納足特賞並乞依見行條法施行從之二十八年七月三日直敷文閣新權江南西路計度轉運副使李邦獻言奉旨臣與李若川將江西路紹興二十一年至盈二十六年分已起未到米一百六十萬千五百餘碩疾速催趕前來并未起七十萬五千二百餘碩併綱裝發並限半年到行在等處竊緣江西米運其弊有五一則押綱不得其人二則官綱每船減裂三則水脚糜費不足四則不曾措置指運速過五則卸綱處乞取太重斗面太高不除糶賜折耗所以失隘數多欲望許召募土豪及于本客人裝載並與依舊例上更許搭帶一分私載於裝發米處出給所附行貨長引并批上行程亦歷沿路與免商稅即不得留滯綱運如不願請船脚錢者管押及二萬碩無少欠與補進武枝尉二萬碩加一資依軍功補官法如土豪客船不足許令逐州選差見任文官宣教郎以下至選人及武官大小使臣管押若無少欠與依紹興五年十一月立定賞格推恩如一萬碩一千里以下減四年磨勘二萬碩更乞與減二年磨勘三萬碩轉兩官止戶部看詳一乞召募土豪及于本客人裝載今欲許召募有家業及所押物數不曾充公

人亦不曾犯徒刑非兇惡編管會赦原免之人當職官審驗詣實其自備人船每碩三千里支水腳錢三百文省餘計地里每天許將一分力券裝載私物與免收稅批上行程沿路照驗若所供不實或借人抵產許人陳告依詭名挾戶條勒斷罪財產沒官經由稅場蓋官印躬親照驗放行干繫公吏乞覓論如監臨主司受財法計賦斷罪無故留滯者杖一百到部納處依自未綱運條例計地里除破耗未如有少欠候補足保明申朝廷降付戶部勘驗關吏部等處依今未修立賞格請降付身所乞迤州選差見任文武官今欲令江西運司於見任應差出之官內選差或募寄居待闕官召保官二員除計地里合破耗外如無拋失少欠違程從交納官司保明依今未修立到賞格等推賞並重別增損擬定賞罰格如後土豪子本客人運載米斛二萬碩舟運每二萬碩轉一官資通押及四萬碩行枝叅部注授差還三千里以上水信郎二千里以上進武校尉一千里以上進義校尉右除地里折耗外如少欠三釐以下與依格推賞如三釐以上候補足日推賞命官差募管押賞一萬碩二千里以上無官欠減四年磨勘每加一萬碩增一倍推賞不滿一釐減三年半磨勘不滿二釐減三年磨勘一千里以上無官欠減三年磨勘每加一萬碩增一倍推賞不滿一

釐減二年半磨勘不滿二釐減二年磨勘三千里以上與追增一等推賞
謂如元合減四年磨勘而及三千里以上者減三年磨勘之類罰少欠三
釐展三季磨勘每加一厘展一季展至一分止少欠二分每分加展半年
磨勘至四分止罰尉下班祇應比類少欠五分命官密替副尉下班祇應
勒停一卸納處乞取太重料面太高不除擲賜折耗今欲令江西轉運司
將合起米先次差人別齎一般樣赴司農寺照會候綱到日申戶部差郎
官一員前去對樣交卸不得將所起米擅便擲賜折耗疾速交納其合赴
總領所米亦合依此封樣候到差官交納仍令戶部長貳總領官不測赴
倉點檢如有違戾各仰按劾施行其押到米與元樣不同委有夾雜沙土
即申本部及總領所差官者驗依條交卸一水脚糜費錢本路所起米一
百七十餘萬碩有逐州隨苗收到水脚錢三十四萬餘貫兼朝廷給降乳
香套一十三萬貫并就撥經制總錢十七萬八千餘貫應副裝發本司自
合將上件錢相兼措置起發自餘押綱作弊舟船破裂並係本司合行事
務欲下江西路轉運司一面措置從之九日戶部員郎莫濂言比來諸
路綱運率多稽違至有申到綱解經涉歲月而猶未至者逗溜數旬方能
起發致押綱人得以肆其姦弊雖給行程文牒所至計囑妄作緣故開破

月日望飭諸路州軍應起發綱運具實雜岸月日先申戶部仍牒前路州縣遞相聞報亦各具出入界月日開申仍委本部以申狀類聚候綱到擇其稽違之甚比較沿路留滯最多去處令本路漕司根治上曰諸路綱運之弊其米已久蓋緣押綱之人多是請求而得往往沿路移易官物於所至州縣收買出產物貨節次變賣以規利息至有一二年不到此猶是不作過者其間用意作過之人公然乾沒量留些小至行在謂之打官方錢又既到之後倉庫合千人等多量巧取百端逾阻其弊不可勝言者卿等宜令逐一措置革去弊源庶幾不致失陷官物宰臣沈該等奏曰比因起江西米運已令戶部條畫措置務要盡革宿弊今濠又有陳請當就今措置於是詔戶部看詳本路言今欲將諸州軍申到綱解文狀並行下太府寺籍定將州軍綱運每半年一次擇其稽違之甚者申戶部所屬曹分行下本路漕司根治施行從之同日詔諸路糧綱到行在交納其受納官司往往取賂斗器加大擲颺欠折致拘留押綱一行人在岸催納欠息急於星火以致日久折賣舟船填數不足仰戶部長貳契勘自今糧綱欠折者如委無欺弊並先與責放仍令牽駕空船各回本處將合陪還確寔數目令本州剋納依數補發今後依此施行

二十九年四月十七日權戶

部侍郎兼提領諸路鑄錢趙令詠奏行在錢糧全仰舟楫而河水淺澁留滯綱運自臨安府至鎮江府沿流堰閘往往損壞經久不修走泄運水望令逐州守臣差官前去相視計置如法修整從之 二十三日詔今後除依條合團併錢物照應見行條法施行其餘州軍合發錢物並不得差募官附押兩州錢物如違當所押正綱合得酬賞減半其附押官物請過水脚糜費等錢於違戾差押官司人吏名下追理入官將所差違戾官司杖一百科罪 二十八日總領四川財賦軍馬錢糧所言四川押綱官不許附押他司錢物并乞修立斷罪條戶部欲自今後四川州軍諸司起綱去處輒差官附押他司錢物及押綱官受差附押者準紹興勅諸因職事例受制書而違條科罪受差官正綱合得賞典便行減半即錢追理發納從之 三十年四月九日左正言沈濬奏竊見四方綱運輻輳闕下頃以銜校管押多致失陷乃選差命官俾任其責遂定賞格以免之不然罰亦隨至今者有自川廣數千里之遠涉風波冒不測歷歲月之久方抵闕下幸而無虞元數已足方獲朱鈔次經太府丞陳乞保明申部推賞寺中阻難已畢方肯申部部中又復阻難望下所屬官司如已獲朱鈔許令節次保明推賞或有小節未圓亦許先攻放行其或所屬奉行違戾許部綱官

徑赴朝廷起訴重行根治從之 八月二日臣僚言竊惟漕運所用莫急

於舟江東諸郡皆雇客船江西則於洪吉贛三州官置造船塲每塲差監

官二員工役兵卒二百人立定格例日成一舟率以為常運司募押綱使

臣悉由關節訪聞一綱例行賂七百緡始得之皆胥吏為姦也且以江

東與江西事體相類但江西運米稍多耳江東每綱給水脚糜費錢付之

押綱官令自雇客船及水手以往客人愛護其舟急去急還不肯留滯獨

江西撥船發卒一切仰給於官較之江東雇舟大不相同乞委江西帥臣

或提舉常平司同吉贛州守臣共相度造船與雇舟利害以聞別賜裁

酌從之 同日臣僚言諸路轉漕米綱最為急務前後條約未免於有弊

且運司胥吏邀阻乞覓篙梢乘此恣行侵盜所以交卸虧折不免監繫不

若今州郡自募有合起綱等錢就令趣辦但運司每歲將上供米數着實

撥下諸州以下卸去處分道里遠近責其限程時行比較遲度者罰其運

使更不差官又揀汰軍員置在州郡多者百八少者三五十人久在軍旅

疎練歷艱辛今止分布守衙坐食若令隨押綱官管轄照顧必得其力除

見請受外量支食錢以夫船之多寡輪次差使戶部看詳諸路綱運司及

州軍支使準備差使有心力倚仗之人內差撥江西許差土豪及選逐州

見任文武應差出官及募寄居待闕官管押兩浙係差短使內有再願充
押綱及竹身圓備曾到部使臣管押緣途路漕司並不遵守致令乞覓作
弊今依所請其所差揀汰軍員舟船多寡斟酌量差撥杖之

宋會要水運一

紹興三十二年九月二十四日孝宗御在未央元權江淮荆浙福建廣南
路提點坑冶鑄錢魏安行言乞自正月以來募官押發今年錢綱依舊以
二萬貫為一全綱自二萬貫以上添押之錢與提數推賞謂如一萬貫合
減十箇月零半月磨勘五千貫合減五箇月零上日磨勘之類不必須成
全綱如此則易為起發免致留滯從之 十月六日詔諸路綱運起發本
州具的實離岸月日及所經州軍亦具到發月日並申戶部本部計程繳
察住滯如日數多者下所隸運司根治其由如典販以規利者就令經歷
所在常切覺察 以新除福建路轉運判官王淪言近年以來所在起發
綱運動輒遲滯因諸州不能預辦合發錢物率皆前期虛申綱解稽留累
月方能裝發官物既足又候水脚糜費之用亦復旬月方能離岸致部綱
人寅緣作弊費用官錢互市物貨隱瞞征稅至併與全綱失陷因而竄逸
上則有虧國計次誤吏遣下則徒起刑禁無所從出故有是命 隆興二
年七月四日臣僚昨因諸路州郡綱運遲滯及有侵欺失陷遂降指揮令
寄居侍闕等官卻押慢立賞格以為激勸積弊生其弊不一其一請託
之弊或以親知或以權勢競生指占甚致臨期旋相攘奪其二侵害之弊

州縣倉場庫務但干保官錢物并銀押諸雜綱運往別處州縣收贖或回易與
販不曾遺失者候德音則限十日經所在首納並與充罪如限滿不首及首納
不盡令監司守臣究治明具聞奏重寔于法 乾道元年正月一日南郊赦諸
路州軍級發斛米綠有折欠其交納去處見符管押人并綱梢等送所屬陪填
訪聞其間有貧乏之人無力償納日久扶有監繫情實可憫可符見欠五十項
以下並與蠲放其欠五十項以上人除蠲免五十項外其餘折欠數日行在委
戶部外路委總領官取見指實先被批發押下元裝發州軍依數補糴三年十
一月二日六年十一月六日九年十一月九日南郊赦並同此制 二十三日
總領淮南江東軍馬錢糧務俟言綱運之法各以地里遠近官為破耗不為不
獲而比來糧綱失陷官物十常二三非皆風水之虞也臣聞在京舊制自發運
司運糧入京並於三司差人坐押最為良法南渡以來募官押綱人但希息實
不量智力而合千人始得押其處要矣其終不過監係進納或賣船填欠或押
歸本州補發大則枉陷官物次則部官徒同被罪度欲降指揮今後諸路糧綱
在內於三司在外於所料糧單分每米一萬碩差使臣一員將校單兵十人於
裝州軍取撥坐押赴倉交卸破耗水脚庫費賞格悉依募官押綱條例均給施
行其於草絕侵蠹之弊實非小補詔今後令戶部總領所相度措置差撥 六

月四日詔諸路州軍起解錢綱見以子會見錢中千登納訪聞諸州軍却將人戶綱到見錢避免起綱脚刺充換會子起解可過下州軍自今後將應合起發錢綱並以十分為半權許用二分會子八分見錢解發從戶部請也 六日詔逐路轉運司自今差募押綱須選擇清幹官管押若依前作要從本部附元差官司取旨重行照責公文所斥押綱官及兵捕等在內令司農寺下臨安府外路令總領所下所屬振勸依法施行行列行差人衝管內押綱仍具所欠數目取旨 七月四日戶部言江西州郡每歲起發米綱運應副江池建康鎮江府等處軍儲以路遠多因管押使臣及安插沿路侵盜往往少欠數多又如上江淮積舟船阻滯欽下江西轉運司就隆興府踏運順便高阜去處改道轉搬都倉一所官吏令運司就差上流諸州縣合發米斛勾受納之日使差定本州使臣或見任寄居官計置舟船每及三千碩或萬碩為一綱支給水脚廉費等錢先次起發不必約定仍據隆興府轉搬倉至支納處合用水脚廉費等錢數附綱起發起江水泛漲之時徑押赴將搬倉支納每年所料逐軍米各以三分為率二分令都統司裝載撥船差撥官安前去隆興府擺泊伺候認數支裝或就近使去處支撥起發合用水脚廉費等錢附隨綱起到錢依官綱以也里遠近則例支破耗米其管押官酬賞亦與依先行條法推賞餘一分令轉運司依舊用

官網裝發凡持搬倉受納下米斛饒及一網專委漕司日下支給水脚糜費等
錢出哈網解發前未軍前卸不致自今年秋成爲始從之 十月五日樞戶部
侍郎曹懷言乞下諸路州軍府廳起網運自來年正月十分爲半一分會子九
分見錢內不通水路去處依舊起發銀兩從之先是諸州網運並要九分見錢
銀一分會子懷恐逐州銀價不等以致折閱因有是奏 十四日詔諸路州軍
今後起發糧斛網運於見任曹職官內差撥如不足即依已降指揮差撥見任
文武官或寄居持關官曾經到部赴身圓備之人管押其合得賞典依已降指
揮每押米一萬碩一千里以上無拋失少欠減二年零八箇月磨勘一萬五千
碩已上紐計地里推賞將至一官止 淮東總領韓元龍奏五網賞因裁酌而
有是命元龍仍請召募土豪自用人船每二萬碩千里以上補進義校尉二千
里以上補進武校尉三千里以上補承信郎仍計隨綱帶三分米斛與販如無
拋折給費外更免戶下非泛科半年並從之 三年二月十三日詔今後糧
綱有欠並從司農寺一面斷遣監納施行如情犯深重事須推勘者送大理寺
以知臨安府王炎言在京通用令諸官司事應推勘者送大理寺所有糧綱推
勘若有疏異始合送大理寺餘依祖宗條法施行故有是命 是年三月一日
太府少卿曹嘗言左藏庫逐時申解州軍網運錢物內有侵移少欠等今未左

卷之三 考工

藏庫印典司農寺事禮一同今後有欠一面所遺監納知情犯深重乞依司農寺已得指釋從之 十一月二日南郊教諸路州軍起發金銀物帛綱運內有
色頗低次之類估利虧官錢粮行下補發訪聞州縣皂勑干禁等人及元賣鋪
戶均推窮慮貧乏之人不能實納可將荒道元年赦前未追數目如委是無可
填納並與除放 十二月十八日高郵軍駐劄御前武鋒軍都統制兼知高郵
軍陳敏言諸路粮綱交卸無欠其人船合自卸所徑便發回而總司舊例不問
其欠之有無悉令所屬解押人船謂之出路米數押綱之人足矣豈須全綱盡
解往往豎繫日久所費不貲不勝其苦乞下諸路交卸綱粮去處須管用斛兩
平交量候足無掛欠者其人船先令逐便抵將押綱之人解赴總領所出路如
此使無欠之人免致失所從之 四年三月二十四日臣僚言浙西湖秀蘇常
鎮江江陰六州歲輸上供米若令逐州選委官兵自行裝發運之平河刻日可
到向來漕司地籍無顧籍人為押綱使臣積累欠折已無可償又令自招游手
為兵稍支破廂軍衣粮每遇欠折即將名下日後衣粮預行搭魁名為折會夫
以無顧籍之官却無衣粮之卒使之護送官物殆猶餓虎守肉責以不啗其可
乎乞將湖秀等六州上供斛斗責逐州委官自行裝發漕司只是嚴限拘催從
之 五月七日權戶部尚書曾懷言奉詔措置倉場卸納綱運今做具徑下諸

路轉運司約束所部州軍凡裝發米斛庫費水脚并錢不以時給及蹤容減粒
或致小量斗面似此死處並依法斷罪仍中嚴條令於倉場門板榜示衆網運
到岸若有蒸潤砂土糠皮自有御點排曬日數即並不遵依條令祇據憑專計
之口致行用錢物計碼求免及應卸網運司農寺至簿亦不驗揀交量止令
公人取樣其同行用者則免排御無行用者志縱作踐今敕令司農寺官遇交
網運須遵條例躬親監視交量以絕其要犯批戶部覺察中罰州郡支裝
網運在法合用堵面印記封鑲今敕下諸路轉運司申明條法如卸網倉場驗
無印記網船中司農寺依條按治受納網運並條大小甲項以上河入厥脚錢
為名違勒錢物及計碼專糾敕下司農寺常切覺察有犯送大理寺根治倉場
合干人殺勒令司農寺常切覺察如有曾犯徒既改姓名冒役之人日下勒罷
立賞許告押網官及吏稍少欠未斛出踏監納往往令人代名竊慮失陷不便
今敕日後遇有少欠監管之人須將正身封臂施行徙之 五年十二月六日
戶部尚書曾懷言乞下諸路監司州軍應今後所起網運須依法擇應差之人
管押如欠令交受倉庫止據實納之數先給鈔其不足之數並作未到下元起
州軍限半月補發徙之 六年十一月六日南郊教諸路州軍起發金銀錢帛
網運內有色類依次之類估剩虧官錢數行下補發訪聞州縣監勒干繫等人

及元賣鋪戶均排窮慮貧乏人不能償納可將乾道三年赦前未追數目如委是無可填納並與除放 七年二月十三日詔諸路漕司嚴責所部州軍如綱運經由縣道仰縣道官催督沿流遞送催趕出界仍於行程內批鑒日時交付以次去處即有欠折根究在經由界內偷盜作姦將本縣及遞尉吏人既流遞尉取旨施行從臣僚請也六月四日戶部言尚書曾懷言綱運不能如期有悞指準本部合差承受使臣十二員欲於內附六員改作尚書戶部催督諸路綱運分差往來趕逐在路綱運及催促諸州軍合發錢物庶免留滯拖欠仍從本部於見任或待闕已未到部大小使臣內不以有無拘礙選差理為資任任內催納綱運別無違滯即與減二年磨勘占射差遣一次如所催違滯及事有不辦亦賜責罰若委有才力保明再任仍不許差官待闕從之 九月二十

二日戶部郎中總領湖廣江西京西財賦呂游問言鄂州至襄陽盡是灘積尋常綱運有三兩月以至半年不到者致押綱與舟人通同作姦致於鄂州要處添置撥發船運官一員專一撥發綱運不令失欠職事修舉與減磨勘三年從之 十月十三日詔自今廣南市船司起發麓色香藥物貨每綱以二萬斤正六百斤耗為一綱如無欠損違限依押乳香三千斤例推賞其差募官管押等並依見行條法 八年正月一日詔自今寄居見任文臣不限京朝武臣不限

大小使臣歷任無賊罪並許押綱其見任官項應差出者唯應奏薦之官不得以綱賞湊理庸勦選人未出官亦許募押其合得綱賞備資外即不免試注投聽於後任况使其綱運地里不遠減磨勦到部合陞名次選人與在外指射差遣使臣與免短使 先是上封者言諸路錢米綱運近多少欠今取會乾道五年六年行在綱運兩年計欠錢二萬四千九十四貫米五萬一千八百九十三石料四千五百六十九石其三總領所綱運少欠不在此數皆緣所募押官多無行止非理妄用致綱運敗壞積弊日深若不措置應暗失歲計望少更押綱之法故有是命 三月十三日詔近年押綱偷盜之弊不一全無忌畏合別措置令戶部一一相度措置申尚書省戶部言差撥押綱不當即先將押綱官依法施行外所差當人亦估賣家產均陪欠物其知通當職官取旨其交納官司無令大量斗面官綱兵拘今後募募州軍量地里遠近約度阻風期日寬支請給無令關食管押米斛綱運一萬石以上差押綱官二員合得綱賞許行分吏仍不許押二萬石以上綱運經過場務須管當日檢喝即催起離岸場務官仍於行程厝內批說某綱於某日到岸某日某時起發以死取磨故作留滯場務主吏從徒二年新乍監官取旨承前押官止令斗子認欠全不在責今後所差押綱並認折欠在路所給行程往往妄作緣故乞自今後綱運到岸行在委

司農寺外路委總領所期一日先索曆駁磨如違程或妄作緣故量事所違若所破日限數多即將押綱官并地尉取旨和顧容舟往往牙保人作契乞自今後項和顧子本客船如依前致欠即將和顧牙保財產均陪諸路州軍綱運所至州縣令催綱排岸官司躬親索元給行程綱解一一照檢分明批所給行程催趕離界仍速報前路官司如有偷盜欠數即將飛中所屬若催綱排岸官司及經由之處不即催趕訊察令本州按劾仍令催綱排岸官司勾具界內有無催過綱運名數飛申戶部批之 五月十七日詔兩浙路轉運司復置提轄催促綱運官一員以本路計度轉運副使沈度等言隆興二年或罷催促物斛等官四員自後乏使乞仍舊增置故有是命十一月十二日權戶部尚書楊俊言諸路州軍起發金銀錢物米斛綱運到行在依元旨寺監差丞簿一員輪日監支給鈔比緣左藏庫提轄官監給其太府寺官絕不前往欲望自今依舊太府寺輪日差丞簿監支給鈔批之 九年閏正月十三日詔諸路州軍起發米斛錢物綱運少欠人見監禁在行在官司未能填還可將兩浙州軍欠一分以下餘路欠一分五厘以下並日下權批發一次押下臨安府送元起州軍追理補發其見監兩浙欠一分以上餘路欠一分五厘以上之人候納及前項分厘并雜物綱令所屬庫分衙元押及見欠數目依價紐折依此施行 二月十五日

凡陸運川峽諸州軍金帛自鉅門列置運夫負搭車輦以亞京或轉文至陝西河東汾運供軍廣南諸州自桂州內溯南北江陵荆門而至福建句洪州渡江南舒州而至又有川峽布帛供京西諸軍用度者由荆南襄州列運轉送舊自廣南至京有香藥進納今亦罷去諸州陸運惟主綱者節送道路給券不置使主之諸邊戍軍衣資給亦多運送致太祖建隆三年三月詔三司起今戍軍衣並以官脚搬運不得差編戶民 乾德六年五月詔曰王者之道仗人以時非惟不奪於農功亦莫無煩於民力自今應諸道州府軍糧上供錢帛並官備車朱輦送其西川諸州合銀錢物即於水路官自漕運不得差擾所在民人仍於運處粉粉壁揭示詔書

太宗太平興國七年二月詔先是劍南兩川嶺南荆湖陝西諸州每歲上供錢帛悉發民負擔頗為擾宜罷之自今並以傳置卒充其役 至道三年十一月詔曰西鄙運糧蒸庶勞憂近遣諸軍挽送所以息民今嚴冬在候士卒亦宜放歸仍賜帶帛

真宗咸平四年八月詔至道三年部牒軍入靈州官員自來不該元降勅命則獎者並放還注家便差違 十月詔曰國家以近邊諸郡式通寇戎歲乞萬旅之師日有千金之費雖賦租無閔量經費以濟多而轉餉頗勞在久長而可慮

綱
一
銅

主其豐耗屬在計司免貽時食之憂及訪賄遺之畧或副虛懷宜令三司三都
衆官同共商議擘畫久遠常得辦濟不致悞闕仰一一具奏仍仰吏部侍郎陳
恕監議至十一月恕等條上利害事具監門 五年七月詔戶部判官凌策與
江南轉運使同計度罷省自京至廣南香藥進鋪軍士及使臣計六千一百餘
人皆陸運至虔州然後水運入京 大中祥符元年三月徙麟州府州戍兵及
鈐轄於河東以遣部寧滋減轉餉之煩也仍令轉運使於河西預積芻糧以備
緩急免非時擾民既送九月詔福建山路險惡其犂致官物軍士自今遇旬休
節序並持給假 七年四月詔廣南坊州上供物色雖綱運不多如聞皆自本
州專差牙校管押赴京地里遙遠頗聞勞止自今並令成省其數遠送赴國
八年閏六月詔廣南西川京朝幕職州縣官丁憂離任情願管押綱運者並聽
仍給驛券 九年二月詔如聞廣南上供綱運志令健護送至關頗亦勞止自
今令至虔州代之 天禧元年七月詔州向致中言京西轉運司支撥均裹房
鄧州軍見錢於許州下卸支與西京及諸州充備以雜斛斗先准見錢不得令
進鋪進若止差衙前破官錢顧脚搬載自是衙前人同搬錢陪補破屋者甚衆
况至棗至許香棗進鋪別無大段綱運其計度及雜斛斗價錢杖乞權且入香
棗進鋪進至許州下卸使轉進諸州雜斛斗價錢有備即依舊制從之 十一

月十二日詔京東西河東河北陝西淮南等路州軍上供綱運陸路至京者在道苦寒宜分差使臣馳驛往逐州德有綱運到處悉令准數支納置庫收管其部送牙枝富給日食者勿得留至來春輦送赴闕 十五日詔河東汾遼諸州軍河外麟府歲調民革送芻糧者宜令特免一年 四年十一月詔罷河東汾

遼州軍明年轉般芻糧以本路轉運司言邊儲有備故也 五年八月三司使

李士衡言京西河北轉運司元規度於河東晉一州發斛斗三十萬赴滑州山

路艱險慮或稽期欲止於滑州通利軍入中優給其直從之乾興元年十二月

仁宗即位未改元上封言者兩川四路物帛綱運每日迎鋪常有積壓主持人

等搬運苦辛料平之時不無勞擾國家取之無窮使蜀中物價何由平賤望以

兩川所發綱運一年計其數於內詳酌不急之物可與減放二三分庶使遠民

寬裕聖澤普均詔三司定奪聞奏三司言兩川疋帛自來計度每年聖節端午

十月一內人春冬衣賜并準備非時傳宣取索及因信往來應副南郊支用

凌羅錦綺鹿胎遠背軟正生白大小綾花紗絹等下益梓州兩路織買出染并

逐州依火例於出產州軍逐旋計綱起發上京於內藏庫送納今詳所陳乞與

減二三分誠為便民其如國家年計支費不少若或減者深慮闕供今定奪除

綿三十五段全減不織造外其餘欵且依舊其絹布絨縠綿自來於益梓利夔

四路轉運司轄下州軍每年買納除應副陝西河東京西轉運司及本路州軍衣賜支遣外如有剩數即今逐州軍差人管押上京送納即每年有司元不拋格定上京數目所有自西川水路起發布帛六十六萬疋赴荆南水路轉搬上京並要應副在京并京西州軍衣賜支遣今定奪確議減省欲且依舊從之仁宗天聖元年五月三司監職副使俞獻可言乞下陝府西路轉運司指揮鳳州武鳳翔府每川轉運到驛令稅務監官每十擔計抽練一兩擔如有影帶疋帛盡底點檢勘罪依條施行從之七月三司言陝府西路轉運司奏轄下沿邊四路州軍大屯軍馬每年支撥軍須物色萬數不少逐州軍所管衙前人教又多倒各一年兩次差違當司相度欲依河東轉運司例每年於在京馳務差撥路馳二百頭差殿侍或三司軍大將四人每人分撥馳五十頭就近於草地收放餵養准備沿邊州軍緩急少關軍須物色立便抽差部轄管認報送應副不至擾民詔下三司定奪省司檢會在京見管路馳無多即自在石州收放未迴今欲先於石州見收放數內就近支撥百頭赴陝西交割即令本路破係省錢買就華州華陰縣界泉店收放其軍大將即從省司差應有鈐轄事件並依河東路路馳般運條例從之二年五月詔蜀州四縣折納夏秋稅布從來止令本州打角差夫般往新津縣堆貯候交與押綱人員使臣入船下往嘉州

合併起發所差人夫倍多擾費民力自今止令新津縣置庫受納候及數目就
彼杆綱打用支與水路網運起發合銷庫屋下蜀州備蓋逐年依條差尋到只
委新津縣監押同受納 十月詔應外處請賞給折支物色自來管押使臣三
班院差定慮不知外處差人等候同共請領妨滯起發自今三班院應承受得
審院劄子並書鑿到院月日時辰於當日或次日定差當降空命如稽遲勾押
官已下高勅罪施行 五年二月京西轉運司言唐汝隄鄧州光化軍月收諸
色課利錢除西州支遣外其餘自來並入香葉進赴許州下卸應副以北州軍
羅買糧斛及諸般支用自備救條貫後不得入香葉進銷搬運諸州軍止差街
前支官錢在脚般載陪備錢物或致破產勘會均裹房鄧州軍錢已許入香葉
進銷轉送外上件諸州軍款乞依例從之 六年正月陝府西路轉運使杜詹
言本路沿邊環慶郡延安鄜州軍屯泊軍馬支費見錢不絕供饋又至少關
故府近襄州軍每月課利見錢勘會就地里近便送納那近邊場務課利見錢
在邊上送的免致闕絕然近邊場務自當人但於就近送的免差衙前般運陪
備及兵士搬擔辛苦枉破地里脚錢從之 寧州彭原赤城寧羌羊泉村王
澤莊狼山等務並赴慶州邠州永昌韓村秦店左勝洪河龍安莊曹公莊虜陵
村李村買撲石炭定平縣張村陵頭村等務並赴寧州乾州麻亭郭下永壽鎮

新店平泉村蓋村東大樹村北務村巨家莊馬坊村南舞城羊馬店權家莊下
交秋林村梁店蒿店常寧寨平陽村永寧村白石泉等務並赴邠州永興軍與
平縣甘北醴泉縣臨涇武功縣甘河等務並赴乾州鳳翔府普潤縣麟遊縣准
樣法善寺洛谷扶風縣蠶屋縣清平鎮岐陽鎮拓子坑等務並赴乾州華州華
陰縣關西鎮常棗庫渡荆姚漢帝下邳米化敷水泉店潼谷蒲城零起石炭店
渭津渡晉興渡曹村渡溫湯渡普濟渡黃城渡索曲渡渭津渡嚴信渡姚渡使
渡寺務並赴同州韓城縣務赴丹州白水縣務赴坊州五月京西轉運司言
據襄州狀逐年准轉運司牒輸差轄下十餘州軍衙前往荆南般布十萬疋赴
當州下邳准備以北州軍般取充軍裝州司檢會荆南先造船十隻過諸州軍
抽差綱副到般請布帛逐州更差人員兵士五十人往般牽駕上水灘積或至
一年方到州縱不遭風水踈失須有上露下濕水漬嵐傷估剝虧下價銀不少
復近年以船造年深釘板踈漏不任裝載逐年綱副自雇舟般運布每萬疋出
雇脚破百貫并緣行它費不少州司相度當州南路有逆鋪逐鋪各管兵士十
餘人日前曾般運南米者乘自來轉江上京運鋪兵士別無般送故自當州至
林湖鋪荆門軍界至荆南諸鋪各添兵士及二十人置小車子十兩每兩推載
布二百疋日運二千計五千日十萬數畢或阻陰雨至兩月可畢其添兵士却

遣歸小車子即委巡鋪使臣拘收封疎在條逐年般運免致衙前陪備脚錢
乞依襄州擘畫施行從之 八月十五日三司言益州路轉運司奏擬卅州狀
每年起發上京等處綱運乞於本州并蜀州新津縣各留兵士五十人節級二
人在彼守候綱運般運至益州遞鋪交割已移文本州今後過走登綱運即於
本城兵士輪差般擔至益州今知卅州馮可觀奏乞相度卅蜀州差兵般擔
上京綱運至益州並一年一替當司看詳卅蜀二州非要衝道路逐年起撥應
副河東等三路物帛綱運并非時差人般請馬葉等並是常程綱運別無外路
州軍綱運經過不至煩併逐年已令依差出兵士在外例日給口食今相度乞
依舊於本城兵士內輪次暫差仍乞依當司所奏卅州添招克寧兵士七十人
蜀州添招百人均填闕額人數省司欲依轉運司所奏施行從之 八年五月
六日上封事者言普邊等州諸般綱運州縣差借人夫般擔至梓州方有遞鋪
兵士轉遞伏緣川中時初常貴差借人夫山路遙遠不支口食亦甚不易切知
資簡等州差借人夫般擔綱運至益州自來官給未日二分欲望應川中不置
遞鋪權差借人夫般擔綱運去處每日官支口食詔下益梓利夔四路轉運司
相度皆言其便復詔三司今後四路州軍差借人夫般運上京并河東陝西路
州軍綱運即每日人支口食米二升止轉般鄰近州軍官物即不支 慶曆四

年正月十二日河北京西陝西河東當路遞鋪軍士特支錢有差特雷寒輩致網運辛苦故也嘉祐六年四月二十一日詳定寬恤民力所言也田員外郎陳安道言諸州軍衙前般送網運合請地里脚錢逐處須候運畢方給緣願覓脚乘打南官物須至陪取債負及賤買富產如地遠州軍不免侵使官物致陷刑憲乞今後應衙前般請網運合支脚錢者並於請物州軍先次支給聞報受網州軍照會其送納網運者於起發州軍先次支給如願運畢請領各聽從使詳定所檢會度屬編敕上供及支撥官物等如官有水陸起脚並許差人管押附搭送納其陸路無官般及無單人者許破官錢與管押人和願脚來仍依圖經地里每百斤百里支錢百文急運軍運雇傭不及即差借人戶脚來仍具事由聞奏其川峽有水路不便者轉運司訂度般運今安道所申自合依條於請物州軍先給脚錢切慮州軍候運畢方給致使衙前軍有勞擾乞今後押網運和雇脚來依上條施行從之

神宗熙寧四年二月二十一日詔近借內藏庫錢六十萬貫充河東陝西路折斛錢宜令於數內先撥三十萬貫赴河東令三司選使臣軍大將差船般至河陽令京西轉運司和願脚來或差兵士轉送赴河東路近便州軍交的如無住滯使臣與先次指射優使差遣軍大將與減磨勘一年六年七月二十八日

廊延路經畧司言支封橋破於河東買廩三百以運沿邊急關糧草從之
二月十五日成德軍言在府場務差遣參用禁軍軍員惟管押烟運只差三百
料錢已下不救閱廂軍人員詔從之仍不得妨本營部轄
二年八月二十六

日燕河路經略安撫使高遵裕言勘會見屯軍馬雖累陳將運司廣作孽盡應
副糧草其差顧著脚亦非人情所願難以常行乞令速行計置租買及列立報
單之法乃下秦鳳并路將運司於是將運判官孫迪言自來多和顧著脚般運
糧草夫與見錢亦不聞曾有嗟怨遵裕奏乞罷顧著脚令將運司別立單運之
法幸本司不能供辨即坐不職之罪竊慮屢壞邊計詔顧著脚令戶房申行下

元豐四年四月七日梓州路將運司言都大經制瀘州免賦公事司煤將未
入界節次聚糧運乞差顧夫五萬本路四萬成都府路六千夔州路四千從
之仍令所差顧人 牛時光於本路如不足於夔路又不足方於成都路 二
十七日中書言勘會變運川陝路同農物帛等般運已至陝西有合變轉措置
令逐路提舉司除銀并綉絹布依有樣可充夫遺者存留其餘更轉移從出賣
或折轉糧斛并於邊要州節樞管限一月結絕川陝至陝西路未般物帛處
有損失仰催般運如闕鋪兵亦許顧人併力董致所費錢並於更轉錢內支
從之 十月十二日詔河東差夫及愧運車方命按閱三路集教義勇保甲處

披示被

行存付

高權主管都轉運司候事畢依舊令運官於路州置司械陳安石黃廉劾
罪莊公岳趙成俟隨軍回取旨其按閱集教義勇保甲止令李舜舉住
批陳安石黃廉可且令送獄收禁勅之先是上詔高寺曰開河米轉運
司應副軍事調發人夫不量民力厚薄致有實不可勝屢經州縣訛詐者
卿等可因按閱所至庶問如委有措置平方事狀馳驛以聞至是高寺體
問得運司昨差夫萬一千隨軍坊郭上戶有差夫四百人者其次一二百
人願出驢者每三驢當五夫每五驢別差一夫馱喝二夫願直約三十千
以上一驢約八十加之期會迫起民力實不能勝入軍須調發煩擾止是
不忠之物如絳州運棗千石往麟府每石止直四百而願直乃約費三
十緡陝西買披皮快軍亦非要切如此之類乞特裁損故有是命十一
月九日涇原路轉運判官張太寧言餽運之策莫若車便窈見自熙寧寨
至磨礪口皆大川通車無礙兼間自磨礪口至靈州下道路與此無異自
嶺以北即山險少水車來難行以臣愚慮可就嶺南相地利建一城寨使
大車自鎮戎軍載糧草至彼隨軍馬所在却以車前夫高往來短運更於
中路量度遠近築立小堡以相應接如此則可省民力之半止以道同空
夫併力脩築一上批行盧秉曰張太寧奏乞城蕭關故城以為根蒂則職

界人戶盡可招來道路氣勢遠近相屬可通大車轉餉其策甚善蓋其成
効已見於熙河卿其早圖之則一路不日當有几席之安矣 十九日京
西轉運司言准朝旨於均鄧州共發夫夫三萬每五百人差官一員鄧州
赴鄆延路饋運計用官六十員本路關官乞於起夫縣各差令往及鄆州
縣不依常例共差二十員餘四十員乞自朝廷差官詔均鄧州所起夫三
萬自離家日及本路程頓並依前降指揮日支錢米外令轉運司計自入
陝西界至延州程數日支米錢三十柴菜錢十文並先併給 五年五月
十六日詔陝西都轉運司運糧廳副軍與於諸州差顧車夫人所過州
交替日支米二升錢五十文至汭邊止軍糧出界止差廂軍仍曉示人
戶知悉 六年二月六日詔熙河蘭會經略制置司計置蘭州人馬二
千糧草於次路州軍到利官私橐駝二千與經畧司令自熙州相運事力
不足即發義勇保甲 二十四日李憲言計置蘭州糧十萬乞發保甲或
公私橐駝般運及慮妨春耕臣已修整網船自洮河漕至吹罷使兩軍
摺運赴蘭州詔如橐駝舟船摺運不足須當發義勇保甲即依前詔 七
年七月二十一日新河東轉運副使范純粹言昨在陝西朝廷每給軍項
並計綱顧夫起發頗為勞擾乞自今河東陝西邊用非應副机速者並令

副本有錄黃
門一條抄入
流之法

小作網教排日遞送從之

徽宗崇寧三年六月二十四日陝府西路兼熙河路都轉運使鄭僅言奉
朝旨差顧夫及運糧應到河州兩重人戶財力所勝立定保伍維持之法
無偏重不均人之弊却夫官無過竄人夫散失斛斛之患官私稱便雖申
請到已得差夫體例緣係一特指揮竊慮今後本路無法遵守却致輕重
不均欲應差夫起丁並依此施行詔非因邊事不得立為定法如今復雖
因邊事差夫起丁亦未得一面差雇仍須擬合差雇數目中取朝廷指揮
四年二月十日虞部員外郎辛之武言承朝旨差沿路催促起發熙河
秦鳳路錢物網運鋪曆多是止稱元押使臣等某人並不抄上所押官物
名色赴甚虞送納蓋從來未有開防欲應步路般輦錢物網運令逐路遞
鋪置曆一道遇官物到鋪令管押人於曆內親書批鑿日時及某官或某
人姓名所押官物名色至某處送納合使車裝丙或安土幾人若無人車
理合行打過者亦須分明批鑿因依或值擁併即依到鋪先後資次撥發
般運其曆令所屬州縣鎮起置用印給付季別一易仍委此轄使臣或季
照官常切呼索照檢從之 大觀二年五月七日京我部轉運使吳擇仁
言西輔軍糧稅賦外撥運司歲撥八萬碩貼助於崇澤下卸至州尚四十

五里邊具申請已奉詔擺置車子三鋪每鋪七十人每月可運八千四百
碩兵車已足見修置鋪屋候綱到般相向去運糧漸多即擬敷增添鋪兵
施行臣踏逐得西輔北門外金水河去州倉甚近見有官私小船往來若
將來汴河般運北轉軍糧數多即打造或收小船相兼使用於就近倉場
剝卸渠發廢西鋪般運不致擁滯易見次第乞付臣續次條畫詔擇仁相
度條畫措置聞奏 政和五年十二月二十二日詔脚戶侵用般運錢物
許人告獲先支賞錢三百貫後於犯人名下追納如不足應干繫及交易
人均備並以自盜論從河東轉運司請也 宣和七年二月八日詔燕山
糶糧可自京師運米五十萬斛令工部侍郎孟揆親往措置
欽宗靖康元年十月十二日詔一力用師救路調發軍功未成民力先困
若京西運糧每名六斗至用錢四十貫陝西運糧民間陪費百餘萬緡聞
之頗為駭異今歲四方豈餘粒米糧庾但可就逐處增價及糶不得糶
般運以稱恤民之意若般綱水運及諸州支移之類仍舊
高宗建炎四年十二月十日度支員外郎韓球言欲前去饒信等州糶
錢糧乞將沿沅州軍差起發見錢其不通水路去處依指揮支轉糶
之 紹興元年二月十六日詔令韓球照會前降事理體度施行在贖兵

數多將見剝削不以爲細色綱運遵依建炎四年十月二日已降陸運指揮疾
速施行不得少涉擾擾內合應副張俊下軍錢糧仰於今來所般數內量度撥
留應副 其後內降應干合於饒信州橋梁錢物糧斛等事理更不施行
孝宗乾道二年正月十九日詔利路運糧人夫每名給錢二千令紐計度牒支
降先是敷文閣直學士四川安撫制置使汪應辰乞優恤利路運糧百姓而漕
臣亦具奏乞運糧一碩人支錢引三道計合降度牒八百餘道上謂輔臣曰中
間亦曾免了一處洪造等奏曰成和等四州已嘗免夏秋二稅一年京西路諸
州亦免二稅一年因有是命 十一月九日詔諸路州郡綱運自指揮到日並
解發見錢其自來不通水運去處依舊解發輕賞後因江東路申請尋詔諸路
自乾道三年爲始 九年十月二十九日詳定一司敕令所收立到諸綱運以
本州縣見任合差出官各籍定姓名從上輪差不許詳免無官可差即募官管
押先選本州本路次別路寄居未到新人非得替待闕官並選差有舉主年未
六十無疾病有心力可以倚仗人取付身照驗圓脩寄軍資庫 獲時即日即
時給還付身主豪官必基簿契準此及本等保官二員主著官亦許募仍取願
狀取見產業及得所押償直拘收必基簿契在官抵當產業不及者拘收外召
任官一員即曾犯贓及私罪衝替押綱欠折並通判路分都監以上及本州僉

判並不許募其應任官許於替前六十日內指射各以下狀先後為次即應
選若當職官審量不可付者聽別選以上各於網解內具到元差募監司請係
本司應赴發者守令名銜諸宗室及見任本州守貳本路監司子弟親戚或諸
軍揀汰使臣及不應差出之官並不得差募押網下班祿應到尉衙前公吏牛
級將校軍兵無官土番等此諸網運於裝發州給行程曆付押網人募押者止
批本官印紙差押者准募押或批者 水路於排岸催網運巡檢司陸路於州縣
鎮寨即時批到發日時載物名數或風水事故定狀通判督責催網巡尉差
人仍護監趕出界關報前路催網官司若風濤不可停船聽押網人從定聲說
事因到發日時結朝典狀赴以次官司併批催押官用申結罪保明具赴關者
水路排岸司陸路所屬者都守監在外者都納官司照檢諸處赴發官物應給
路費錢者並計所至謂如上供物以至京柱別路物以卸納處之類以應給錢
全支付押網人水路網約度阻風日分寬處仍批書解網行程曆若緣路截留
或寄納即據鎖破不盡數與所卸官物各具鈔納水路不曾阻風有餘剩日
內官再起發者以所納錢給如法諸押網人卸網官物託所在官司限一日取
索行程曆印紙驅磨仍批書有無違程欠剩諸益報網捕犯罪不可存留者
押網人具事狀申轉運或發運登運檢發司審度差人交替若兵梢在路釋責

送本地分州縣施行如闕人擇駕卽令所在貼差諸押綱得減年賞者不許差
理磨勘轉至應蔭補官雖得轉官賞亦候轉過日收使諸糧綱每綱不得過二
萬石裝載訖限三日起發諸綱運應募主著官管押者於行程內聲說起綱事
件並依見任官法諸綱運募主著官管押應賞者依現任官法諸綱運差募押綱
官不當致盜貨移易失陷具元差募監司守令職位姓名中高書者取旨諸倉
受納糧斛以元樣比驗交量非火雜糠粒不得拋颺司農寺丞簿輪日分地諸
倉仍聽戶部官不時下倉點檢棧之先是中書門下言諸路監司州軍選差管
押錢物未斛綱運人指揮雖已詳備切慮引用不一兼所差孔目典級難以責
任詔除孔目職級典押并無官土豪土著不許差押外今後監司守令起發綱
運須管負責照前後指揮依公選委綱解內分明聲說元差監司守令職位姓
名如有失陷戶部具元差官取旨施行仍令本部檢坐條旨同勅令所立法
十一月九日南郊教諸路州軍起發金銀物帛綱運內有包額依次之類估制
虧官錢數行下補發訪聞州縣監納于繁等人及元賣鋪戶均攤切慮貧乏之
人不能償納可將乾道六年赦前未追數目如委是無可填納並與除放

嘉定十一年四月二十

三日臣僚言邊陲飛輓倚之民力其初州縣聚集處之無策縱運弓兵分布遠
達已不無擾及其列官同候累日方為點名甚至再點續赴外州移運所差出
米之官又愆期不至迨至又必完轉計會始得支發或稱上司往運則使復回
一番糗糧未免虛費官司不理為役復行再差此猶可也負擔在途勞瘁萬狀
僥倖善遠兼旬不交或利於取贏抑其陪備者比比有之且以某州縣夫某州
運米又指某州出御涉厯三州道里遠邈所運米不過八斗計其資糧廉廢
夫所屬選限誅求之費常十倍之官雖計程給食一鍋於叻吏之手大率中產
顧替一夫為錢四五千其他卑弱之人一夫受役一家離散至有斃於道路
者乞下江淮荆蜀制閩嚴督諸路漕臣悉力措置其有道理費隔移運不使去
處令其鈔酌分撥務適其中庶幾人有生意是方根本實基於此從之九月二

十九日臣僚言陛下軫念邊氓謂淮右陸運煩重命漕憲二司分督諸郡又各
經錢以為庸在之直德至漕也但樊瑞難考議匪一端或謂一路自有東西今
運宜於東而反就於西者或謂本州所謂未已而帥總諸司又以借夫而紛至
者或謂分撥不當至有麥糶徒于趙數百里始得運米而往者或謂紹興之初
嘗兼水運而今憚備舟楫未聞有能推行者或謂名為斗米千錢以給路費而
實未嘗得者或謂於正夫之外多科名數以為乞覓敗弄之資者若是之類未
易枚舉乞下淮西提刑轉運二司俾之日下條具更革事宜中上庶幾轉輸自
集民力稍寬近見臺臣有就邊和糴之請已蒙施行蓋極邊如光祿安宜正資
漕運今歲一稔宜多給緡錢不問豆麥增價收糴之善城內則官者轉輸之煩民
獲貿易之利乞下本路漕臣專一提督措置比之內地和糴又當優議酬賞亦
助軍儲者漕運之一端也從之

全唐文

宋會要 轉運

轉運司轉運使副並以朝官充掌軍儲租稅計度及刺
舉官吏之事分巡所部太平興國初皆曰使又置副使
到官又置同勾當轉運事俄罷諸路副使已下止置使
一員明年又置副使厥後御河黃河又置轉運使尋皆
省之廣桂邕容瓊等知州皆兼本管轉運事並統於廣
南轉運司後止瓊州兼焉凡十八路其京東京西河北
河東陝西淮南浙兩諸路各置使副餘路不置副大抵
有二員者或皆為使或皆為副或為同轉運使兩省五
品以上任者或為都轉運使至道二年春置諸路承受

二員選朝官二班為之常事即與轉運使副聯書奏報
大事即許非時乘驛入奏真宗即位罷之其司師或令
部總管並都轉運使或提舉轉運事及重駕巡狩置隨
駕隨軍轉運皆事畢即停 兩朝國史志有使副使判

官並以朝官以上充掌均調一道租稅以待邦國支費
分巡所部以察官吏能否十八路惟京東西河北陝西
淮浙各置使副餘路或止有使不置副大抵有二員者
或並為使或為副或以一員為判官兩省五品以上任

者為都轉運使判官停罷置復不常使副仍兼商農使

寶元二年詔河北轉運使兼都大尉置管田屯田事慶
曆元年改為管田使三年詔諸路轉運並兼按察使五

年罷後以京西轉運使兼白汝蔡運司皇祐五年初詔
京東曹州京西陳許鄭滑州為輔郡並屬內置京畿轉

運使以按察使補至和二年罷其天文有句押官有前
後行隨路管簡而設皆無定數元豐改制因之云耳
舊制有計度轉運使副判官並以朝官以上充兩省五
品以上任者為都轉運使建炎以來逐路都轉運使除
授不常唯使副判官常置紹興二年又常置江浙荆湖
廣南福建都轉運使三年罷五年置四川都轉運使十
五年罷調發軍馬則有隨軍轉運廢置亦不常國初有
轉運副使或曰同轉運使知某路轉運事又有同知及
同當者知州亦有兼轉運使者其後悉罷知同知同當
之名皆止稱侵或副使而知州亦無兼領者又車駕巡
幸則有行在轉運使王師征討則有階軍轉運使或增
置官同當轉運使皆不常置至道三年分天下為十五

路其後又增三路凡十八路一曰京東路

分照算十年二

曰京西路一太平興國三年分京西路

分照算十年二

三曰河北路分太平興國初復併河北路

分照算十年二

河東路五日陝西路太平興國二年分

使為陝西河北

五年西北路後皆併為路

五年復分率七日江東路八日江南西路

江西南西路

併為一路置使各置使一天禧四九日荆湖南路十日荆

湖北路十一日兩浙路太平興國中改曰兩十二日福建

路太平興國初改為兩浙西南路北改曰兩十三日益州路十四日夔州路

新日成十四日梓州路十五日利州路十六日夔州路

國初平劍南西川路其後分西川東路各置使副

六年分峽路亦置使副成平四年分益梓利夔

四路各置使一員

十七曰廣南東路十八曰廣南西路

廣桂邕容增知

州舊名黃本管轄運事皆統於廣南轉運使司開寶四年嘗以知容州毋守素知邕州范通判桂州各知本管轉運使其後惟京東京西河北河東陝西淮南西浙止增州黃烏

有二員或為使副使或皆為使或皆為副使或置判官

無定制皇祐中以曹陳許鄭滑五州為京畿路置使尋

罷太祖建隆元年四月命戶部侍郎高防兵部侍郎

邊光範並充前軍轉運使乾德二年十一月王師伐

蜀詔以給事中沈義倫為前軍轉運使從鳳州路兵行

開寶二年二月親征河東以樞密直學士趙逢為隨

駕轉運使咸平二年十一月北征以鹽鐵使陳恕充

五年八月十六日以大理正李符知京西轉運使九日

以知州州山南東道節度使潘美保信軍節度使尹崇
珂並兼領南轉運使王明為副使許九言為判官美等
既平劉鋹就命知廣州俄兼領使職踰年而罷太平興
國二年正月又命吏部郎中邊頌與祠部郎中李符同
知廣州兼廣南諸州轉運使右拾遺趙晟右贊善大夫
周渭副之二月左補闕程能水部員外郎崔濟同知兼
西轉運司事四年九月命知廣州楊克讓兼管內水陸
轉運使右補闕桑偃副之九月以嶺南轉運副使許九
言為判官時以知廣州節度使潘美等兼嶺南轉運使
既重其任因易命之十一月命吏部侍郎參知政事薛
居正兼提點三司淮南湖南嶺南諸州轉運使事呂餘

慶三魚提三司荆南劍南諸州水陸轉運使事 六年薛

居正拜下侍郎平章事仍兼提點轉運使事又以中書

侍郎平章事沈倫兼提點荆南劍南轉運使事七年正

月以水部員外郎通判荆南申文緯勾當劍南諸州水

陸轉運使事仍賜緋魚八月詔以荆湖轉運許仲宣兼勾

當而隨軍轉運公事九月以王師征江南命太子仲允

知荆湖轉運事許仲宣兼南西隨軍轉運使太平興國

四年正月王師征河東命常參官四員分掌河東轉運

侯陝東路郭泌副之雷德驥西路韋務昇副之淳化五

年二月征蜀命少府監雷有終監察御史襄莊為岷路

隨軍轉運使工部郎中劉錫前職方員外郎周渭起復

本官自陝西至西川隨軍轉運使事七月又命戶部員
外郎魏廷式自陝至益州同句當轉運事 太宗太平
興國二年十月詔分陝西轉運為二司以侍御史張煥
為陝西河北左贊善大夫韋務昇為陝西河南並諸州
轉運使 三年四月九日詔分京西轉運為二司孟滑
衛陳穎許蔡汝州轉運使程能統之襄均房復鄆金隴
安鄆唐州及信陽軍轉運副使趙載統之十日置諸道
轉運判官著作佐郎戴允誠淮南路大理寺丞李惟清
荆湖南路少府監丞時戴京西北路將作監丞高道基
河北路大理寺丞師顏陝府西河北路衛尉寺丞鄭向
度京東路五年又以太子左贊善大夫賈昭明為兩浙

後晉罷天聖中又詔益梓及廣南東路及西路各置轉判官

西南路判官以朝官充未幾復罷四年正月就命河

北轉運使侯陟充自太原城下東路使其副郭泌同之

陝西轉運使雷德驥充自太原城下西路使其副韋務

昇同之二月親征河東命祠部郎中劉保勳充行在轉

運使右補闕高繼申副之俄又命保勳兼勾當北面轉

運使十一月以河北轉運使高繼申為河北南路都轉

運使起居郎郭泌為衛河至關南水路轉運使鴻臚寺

丞王在田為陸路轉運判官著作佐郎崔暹為水路轉

運判官六年正月十六日分遣朝臣為京東西江南

兩浙劍南荆湖轉運副使左拾遺直史館石熙吉王沂

東潭張齊賢徐休復趙昌言預其選七月又以左拾遺

胡旦趙化成張宏魏庠許驥楊斌分爲淮南西路京東
峽路兩浙西南陝府南北及御河轉運副使九月詔選
蕃朝臣十人復爲諸路轉運使右補闕劉甫英河東路
殿中侍御史劉度西川路王悔名峽路吏部郎中許仲
宣廣南路職方員外郎高繼申河北路駕部員外郎劉
蟠淮南路監察御史李惟清荆湖路禮部郎中張去華
江南路膳部郎中高冕兩浙路廢諸道轉運副使并同
轉運使三十人並爲諸州知州右補闕趙化成密州石
熙古兗州趙昌言袁州趙戴隰州張宏遂州魏庠信州
許驥鄜州陳白安州王沔懷州楊斌棣州董儼光州徐
休復明州田錫相州喬惟岳楚州胡旦海州殿中侍傅

史張獻絳州韓檢沂州監察御史郭異饒州王廷範吉
州李瑄趙州柴成務果州朱昂鄂州王守忠魏州殿中
丞王協建州賈昭明南劍州虞部郎中樊若水邠州祠
部郎中羅延吉宣州祕書丞劉慶維州太子中允崔邁
筠州有積善大夫祖吉淄州三月詔自今諸道轉運司
察訪部下官吏有罷軟不勝任簡慢不親事及賄于貨
賄害及黎元者條其事狀以聞當遣官鞠劾其有清白
自守幹局不苛者亦須明揚必加殊獎彰善癉惡我無
私焉以峻路轉運使秦渝開達三州知州皆弛慢不理
因降詔徧諭四月以滑州節度判官孫日新為監察御
史荆湖南路南路同轉運使

雍正四年十月河北轉運使劉培言請

道州府監當使臣有條不得迎接近來多不遵守不惟
住滯公事其間亦有情弊望令今後知州同判知軍知
監并監當場務京朝官使臣不得出城迎送轉運使該
從其請違者重寘之法 端拱元年以右諫議大夫樊
知古為河北東西路都轉運使至道二年又以左諫議
大夫李惟清為廣南東西路都轉運使其後樞密直學
士李士衡任河北右諫議大夫集賢院學士李迪任陝
西龍圖閣待制范雍任陝西皆用此例 仁年七月詔
訪聞諸路轉運使副頗務因循或端坐本司或故留諸

郡深彰曠職殊不盡心自令並須不住巡案所部州府
軍監察訪利害提舉錢帛糧草無令積壓損惡及信縱
欺隱官物並淹延刑禁若依前不切用心當勘罪重寘
之法應諸道州府軍監如轉運使副所置之處無事端
坐委知州以下密具聞奏 淳化元年十月詔曰國家
擇方正之士領漕運之權其才甚難所掌尤重固宜夙
夜匪懈朝夕在公豈可不守似司擅離使部或因載餘
之節輒以入覲為名陳課最以希恩獻文章而干進畔
官離次莫甚於斯自銜自媒亦孔之醜宜伸約束以警
貪饕自今諸路轉運使更不得以壽寧節輒來赴闕仍
不得入獻文章其民間利害及合廢置釐革等事止令

重復

賢封附遞以聞必須面奏者即先具事宜入急遞聞奏
聽候朝旨方得赴闕 三年二月詔今後諸路轉運使
副如規畫得本處場務課利增盈或更改公私不便之
事及除去民間弊病或躬親按問雪活冤獄或邊上就
水陸利便般運糧草不擾于民者宜令諸道州府軍監
候年終件析以聞若止是點檢尋常錢穀公事別無制
置事件亦仰具狀開說當議比較在任勞績四月詔罷
降敕命令轉運使副覺察部內知州通判監當場務京
朝官使臣幕職州縣官等顯有勞績及慢公不理諸般
罪犯並具書一聞奏如轉運使尚敢徇私蓋庇並當除
名 五年二月以少府少監雷有終與監察御史喪莊

充峽路隨軍轉運使以工部郎中劉錫前職方員外郎
周渭起復本官充陝府至西川隨軍轉運使時以馬步
軍都軍頭王景部領銳兵由劍閣路御帶尹元由峽路
並受賂宣使王繼恩蒞度討賊故有是命八月二十九
日詔給路轉運使御前印紙令部內知州通判批書殿
最每歲上審官院考較黜陟之 至道元年八月荊州

轉運使何士宗上言目今執政大臣出領外郡若有公
事合申轉運司者望令判檢其所申狀上書通判已下
姓名太宗謂宰相曰大臣品位雖崇若在外藩即在轉
運使所部要繫州府不繫於位也此朝廷典憲未可輕
改並仍舊貫十一月詔在京官內選臨事公正寬猛得

中明於理道者十數人分往諸路同勾當轉運司事常
事與轉運使聯書施行非常事許乘驛入奏 二年閏
七月九日罷領南都轉運使詔李惟清赴闕 三年七
月詔曰天下物宜民間利病惟諸路轉運使得以周知
可令更互赴闕朕將延見詢問之 真宗咸平元年三
月命右司諫知同州張紆與陝西轉運司調發備軍糧
草六月詔曰轉運使副之職在乎督饋統計實備察官
吏之能否訪生民之利病至於招復流徙勸課田疇理
擬訟之寃提薄領之要其責斯重其務實繁苟非詢公
減私正已率下則肝膈之寄何所望焉自今居一職者
如有灼然功行為眾所推朕當不吝美官特與陞陟其

所蒞辦集原幹有聞亦當復委漕權或授省職優其俸
入聊以賞勞如但事依阿妄行威福因循曠職貪虐害
人大則正以刑章小則黜之數地信賞必罰朕不食言
仍委御史臺察訪彈奏 二年八月詔曰朝廷以州郡
之事委漕運之臣提其紀綱按以條法凡所上請理須
盡公亦有不協便宜虛煩詔令殊爭倚任特用申明宜
令諸路轉運使副自今起諸事宜及保舉移易官屬皆
須重覆詳審委自公私利濟無所私詢乃得以聞當議
降勅施行異日事有乖當必行重責十月二日詔諸車
轉運司今後轄下官吏慢公不理者並須明具詣實書
一聞奏如朝廷差官勸勒斷遣後本人却有陳訴再行

遷勸頭有虛妄其轉運使副必加深罪時上封者言轉
運使申奏部內官多涉受增故條約之五日詔諸路轉
運使副今後應轄下州軍監如增添得戶口及不因災
傷逃移却人戶並仰分明批書上御前印紙候得替到
關日仰三司比較詣實數目牒報審官院依先降勸命
遷勸如於元額外增添戶額當議酬獎若不因災傷逃
移却戶額亦當勘罪重行青罰 四年正月秘書丞者
道言朝廷命轉運使副非惟計度錢穀蓋俾黜陟賢愚
使州縣治平以召和氣今觀所至多不盡公臣以為本
無懲勸之條是致因循之弊欲乞今後轉運副使得替
日先批書一任舉過若干燕勤才識之士奏過若干貧

暴貪濁之人如所稱皆當及涉私徇情乞重行賞罰從之四月十九日以知益州古諫議大夫宋大初並川峽四路都轉運使先是以西蜀遠隔緩急應援不及故分為益梓利夔四路至是又以漕輓各司其局難於均濟故有是命五月詔以定州駐泊都總管山南東道當度使同平章事王顯兼河北諸州水陸計度都轉運使應供軍錢帛糧草並同經度其餘刑獄公事止令轉運使副施行七月又以二路副都總管侍衛馬步軍都虞候王起都鈐轄王繼忠鈐轄韓崇訓並兼轉運副使至十二月皆罷

六年十一月詔曰漕運之職表率一方如聞邇來頗懈巡按鄉閭疾苦安得盡知官吏能否若為

詳察特行戒諭用警因循宜令諸路轉運使副自今偏
往管内點檢錢穀刑獄察訪官吏及公私利害從長施
行先是真宗謂宰相曰諸道轉運使軍出巡按所轄州
軍其間官吏非其人則民受其弊轉運使不切採訪別
遠方所告故命條約焉 景德元年六月詔諸路轉運
使副得替日具在任制置利害并所奏部內官員使臣
遷改職任及慢公不理有負犯者件析詣實編寫為策
候朝見日於閣門通進九月從荆湖北路轉運使李士
衡河北轉運使句克儉並為陝西轉運使副代楊重朱
台符仍下詔曰國家選才幹之臣分漕運之任苟能盡
瘁罔有不臧其或務靡和同互陳利害當茲劇選何以

協宜屯田郎中楊暉工部員外郎直史館宋台符較自
周行並司外計自令職務及涉歲時而各率冒濫茂聞
公共台符則但謀改革有異酌中暉則止務因循莫能
盡力殊幸輯睦日有異同洎遣憲官往詢事理違戾之
狀昭然可知將肅朝綱合行嚴譴念經任使嘗効勤勞
猶領郡符嘗與優典勉親民政更慎官箴暉宜知隴州
台符宜知郢州取便路赴任仍令御史臺傳告諸路轉
運使副各令儆勵二年三月詔徙京東轉運使副一
人解於青州轉運使解舊皆在廣濟軍以青州被海變
遠符牒往覆慮其淹緩故也八月詔諸路轉運使不得
以京朝官使臣隨行指使十二月詔江淮荆湖南北路

轉運司逐年所運上供糧儲自今如有出剩即與批書
轉運使副磨子叙為勞績 三年七月詔河北轉運使
副自今迭出巡行州軍先是邊臣患其數至或兩員齊
到屢有陳奏帝曰轉運使巡按所部是其職也遂令內
地邊上更互往焉 四年閏五月賜諸路轉運使副詔
曰朝廷設漕運之司兼澄清之寄其間採訪封部延薦
群臣多乞朝命升擢仍就本路差遣如聞稱舉未副簡
求頗効依違因成朋比宜從釐革戒誡因循宜令諸路
轉運使副自今體量察訪到京朝官使臣幕職州縣官
等產勤幹事只仰連坐保舉堪充何官或乞遷陞當下
逐處候得替磨勘引見不得乞起轉官資指定差遣去

大中祥符四年七月以右
諫議大夫王
曉為河北轉
運又命司封
員外郎李應
為同轉運使

處及於轄下句當

大中祥符五年七月上封者言京

東轉運使副高驥李湘皆登萊人真宗謂宰臣王旦等

曰李湘乃三司所舉令掌漕京東旦曰當檢勘別路對

移從之七年五月廣南西路轉運使高惠連上言欲

依從點刑獄司例炎瘴州郡夏月移牒點檢至秋即躬

親巡撫從之如有急速公事不得妨闕八月十三日梓

州路轉運使冠珣言本使公宇在梓遂州去戎瀘池遠

或戎人緩急寇邊難於應接請徙置資州從之仁宗

天聖六年十月詔割荆湖北路安州與京西路轉運司

管屬先是京西轉運司供億貴多而所管州郡賦入類

少轉運使請割安州隸管內故有是命七年六月五

日詔益梓廣南東西四路轉運司各置判官一員與使
副禁書行遣位在同判之上知州依官位著綠者仍借
緋三年一替各給印一面每分行句當再得行使州府
不得迎送益州路差太常博士益州同判劉經梓州路
差太常博士密州同判郭勸廣南東路差太常博士知
江陰軍朱昌符廣南西路差屯田員外郎張存勣會轉
運及三年以上者與改官仍各賜錢二百十九月就差
梓州同判殿中丞徐越充梓州路轉運判官舊設諸路
提點刑獄朝臣使臣各一員近制以其生事無益乃罷
之又以西川四路道理遐闊虞其有所不及乃於轉運
司特授此職 明道二年十二月四日中書門下言訪

聞諸路轉運使副多不遍於轄下州軍巡歷詔令逐路轉運使副今後並一年之內遍巡轄下州軍將帶本司公人兵士不得過二十人司屬不得過兩人如關人於所到州軍差撥諸州軍每至年終具轉運使副會到與不到聞奏其廣南兩路依舊施行 康定元年五月九日權三司使公事鄭戩言國家所置諸路轉運使副即漢刺史唐觀察使之職其權甚重漢法刺史許六條問事唐校內外官考定二十七最觀察使在焉是必責功過明黜陟使吏勸其官朝乃福治國家承平十八載不用兵四十年生齒之衆山澤之利當時倍其初而近歲以來天下貨泉之數公上輸入之目返益減耗支調微

屈其故何哉由法不舉吏不職沮賞之格未立也臣近
取前一歲所謂銅鹽茶酒之課以為比凡虧租額實錢
數百萬貫且前之失既以數十百萬若今又恬然不較
則軍國常需將何以取辦臣故曰宜循漢唐故事行考
課法缺乞應諸道轉運使副今後得替到京別差近上
臣僚與審官院同共磨勘將一任內本道諸處場務所
收課利與租額逐年都大比較除歲有凶荒別勅權闕
不此外其餘悉取大數為十分每虧五釐以下罰兩個
俸一分已下罷三月俸一分以上降差遣若增及一分
以上亦別與升陟從之 慶曆三年三月二十七日臣
僚上言諸路轉運使無按察官吏之術是致賢愚善惡

無以旌別詔諸路轉運使副並兼按察使副使令將轄
下州府軍監縣鎮官吏姓名置簿親掌錄其功過課其
功效明著與顯有不治者逐旋以聞外其稍著廉勤及
僅無敗闕者即每至年終攢寫附遞以聞並須進公按
實如能稱職別加進用僅若因循亦嚴黜降提刑雖不
帶此使名亦當准此十月詔中書樞密院同選諸路轉
運判官 四年九月十三日參知政事賈昌朝言用兵
以來民力頗困請下諸路轉運司見有承例折變科率
物色並令止絕仍今後須合折變之物並奏聽朝旨或
雖有宣數及三司指揮顯然不便難以應副者亦具聞
奏從之十二月二十五日詔河東轉運使劉京今後更

不差領均輸之任以滋蔓生事從宣撫使所請也 五
年五月十四日侍御史王平言請自今轉運判官不得
專行按察並須闕報本司詔候見任轉運判官歲滿日
皆罷之先是諸路轉運使無副者並置判官一員後皆
爭為苛虐州縣苦之又上言不便者頗衆至是因平之
請故有是詔 閏五月河北都轉運按察使歐陽脩言
轉運使雖合專掌金穀不與兵戎之事然向被朝廷密
旨令熟圖本道利害陰為邊備今緣邊知州武臣不過
諸司使副通判即是常參初入京朝官並得盡聞機事
而臣之本司獨不得與非欲侵撓邊臣之權蓋調用軍
儲須量邊事之舒急以至按察將吏亦當知處事之當

否請自今許令本司與聞邊事從之 八年八月二十

一日詔瀕河諸州及河北轉運使自今及三年無得對
移 皇祐元年六月二十五日詔應諸路轉運使不得
差官在本司點檢或管勾文字勾當公事時臣僚上言
諸路轉運使自今部下幕職州縣官在司故詔止之

五年八月八日詔新置轉運判官四員蓋儂賊作過備
表用兵均漕運之勞非經久之便候在任滿三年具逐
人勞績取旨罷而不直 四月九日詔令廣南東西京

湖南江西路轉運判官每因巡歷除本司牒委及依條
點檢刑獄錢穀盜賊等公外事如有廢置利害及舉劾
移易官員並與轉運使同共施行五月詔如聞諸路轉

運使多掊刻於民以官錢為羨餘入助三司經費又高
佑夏秋麥禾諸物抑人戶轉輸見錢並禁絕之六月二
十五日詔諸路轉運使前降考課賞罰之制更不施行
其上件斛斗依價狀糶不得抑配人戶先是三司堂底
發運司務於聚斂奏諸路轉運使有上供不足和糶不
前並降差遣如輦運濟辦即厚加陞陟是至貪冒之徒
誅剝聚斂四方之民殆不聊生仁宗聞而特命罷之天
下稱慶十二月二十三日詔轉漕之司均輸是寄澄瀆
官吏緜撫人民苟專事於誅求實有乖於選任若能經
畫財利致有增益不必更進羨餘留充本路支費務寬
民力以稱朕懷二十五日詔曰朕惟有周成憲二漢故

事分置三輔以衛中都內史主風化司隸察淑慝皆規畫於千里以表則於四方不恢藩翰之嚴曷大京師之制宜以京東曹州京西陳許鄭滑州為輔郡並屬畿內曹滑仍差近侍為知州置京畿轉運使以按察畿輔遂州增鈐轄一員曹州更增都監一員留屯兵三千人以時教閱若出屯即開封府近縣或鄰州徙兵足之以天章閣直學士王贄為樞密直學士京畿水陸計度轉運使至和元年二月詔京畿轉運使自今遇乾元節許上壽仍歲終一入奏事二年十月罷京畿轉運使其陳許鄭滑曹州各隸本路為輔郡如故仍各轉運使王贄赴闕嘉祐二年五月四日詔河北路今歲豐熟人

戶稍蕪本路轉運司九千民事件惟從寬恤務要安居
不得便行科率却致搔擾 五年八月詔轉運使之任
所以寄耳目治財賦也江南東西荆湖南北廣南東西
福建益梓利夔九十一路去京師遠者萬里近者數千
里或轉帶山海崎嶇蠻夷而皆一轉運使領之處則無
與同力設有緩急之警調輸之煩機會一失民受其弊
甚非豫慮先具之策也其各選置轉運判官一員以三
年為一任第二任知州人入者滿一任與除提點刑獄
初任知州若第二任通判入者滿兩任亦如之 六年
九月詔轉運判官其位本路通判及兵部都監之上知
州則以官叙之 英宗治平元年五月二十一日三司

言河北都轉運使趙抃乞罷提點刑獄都提舉羅便望
委轉運司管勾從之 三年六月十五日詔今後就移
轉運使並具見任到任半月進呈取旨差惠轉運使遭
徙之數也 神宗熙寧元年八月三日詔河北邊防最
為急務悉藉轉運使副常切提振密備武備每遇除人
降畫一約束付之樞密院具體件進呈其一察將佐二
訓義勇三治器甲四完城守從之 二年二月十八日
詔河北陝西河東轉運使副今後如有要切公事須合
面奏者即取旨候那一員乘急遞赴闕仍道不妨本職
公務及住京不得過十日 三年七月詔許三路都轉
運司奏舉京朝官知縣資序二人充本司勾當其京東

西淮南兩浙各許舉官一員八月二十一日詔川廣等
七路轉運司依京東等路於京朝官知縣資序人內各
舉官一員充管勾文字不得差出時委轉運司執注遠
官之法故特置之二十二日詔川陝四路廣南東西福
建路轉運司除堂除常選知州外置員開簿如審官東
西院吏部銓許本路官指射就差及置管勾文字官
六年十月六日知桂州沈起言邕州左右江溪峒自東
職司不巡歷令轉運司杜璩前去深慮諸蠻驚疑詔杜
璩依舊例出巡其入峒點檢教閱兵甲即令經界司差
官 九年四月七日詔自今諸路轉運司管勾文字官
如依條差出具因依同轉運使巡歷文狀以聞 元豐

元年正月四日詔河北東西路永興秦鳳京東東西京
西南北淮南東西路轉運司並依未分路以前通管兩
路其錢穀並聽移用除河北陝西外減判官一員十二
月二日詔轉運司管勾文字官舉京朝官知縣人并提
提刑司檢法官各不得隨本司出巡 二年八月十四
日殿中丞高鑄權發遣荆湖北路轉運判官鑄初除權
發遣登州事得對上批鑄進對論事精神詳敏方今難
得人材之際寘守文郡深亦可惜淹廢其能宜特除一
小使者俾陳力補過故有是命 三年六月九日權提
點河北東路刑獄汪輔之陳知儉各罰銅二十觔並坐
前任河北轉運司奉錢帛數不實也七月二十五日詔

梓州路轉運司應供軍之物並從官給或和買毋報配
率支移折變違者以違親被制書論以本路奏科夫事
工憂其乖方擾民故也八月十四日詔夔州成都府路
轉運司其應瀘州軍前係軍馬所由道路即辦具應副
非所由者不得輒有計置即應急速者並從官給勿取
於民勿致搔擾提刑司覺察以聞失覺者與同罪十二
月十三日權荆湖南路轉運副使瓊管體量安撫諸初
平言瓊管限隔巨浸監司未嘗巡歷故官吏恣為姦賊
臣等乞歲或間歲專遣廣西監司一員量與支賜今過
海巡歷從之 四年正月十一日措置帳法所言被旨
先措置京西一路帳法今已修立法式奏聞參詳諸路

可以依做推行欲乞頒下內京西一路可自來年先行其餘自元豐五年依新法從之仍令提舉三司帳司官候及一年取旨諸路委運轉司官一員專推行帳法候將來修定條式止付逐司遵守七月十五日薊州路轉運司言內藏庫使忠州刺史湖北路鈐轄彭孫不取南平路入鑿界其差顧夫及牛馬已放歸涪忠等州上批近指揮彭孫止令擇路便進討苟南平可出賊不意亦不失詔旨轉運司所未見彭孫指定進兵路分憑何擅放運糧夫顯見鮮于師中畏怯避事先令具析以聞仍令轉運司如彭孫指取南平路進討軍須有關以之軍興論九月十二日詔使西諸路轉運司令軍興常管設

兵將用樂其有事合商議者許赴有樂筵會十六日上
批朝廷見委官專經制瀘南夷賊其措置軍馬經畧敵
情委之經制司其計辦軍食金穀什物委之轉運司而
所任各有專責轉運提點刑獄司累有騰奏侵越分守
未欲初罪自今非本職事不得輒受官司申報十月六
日河東都轉運使陳安石言置興以來應朝者封樁并
諸司及提舉司錢物並歸本司應緩急移用不足乞更
應副上批委路昌衡具實用之數以聞二十六日命寶
文閣待制知汝州李承之權主管陝西都轉運司公事
其汝州知州兼買木令承之疾速舉官以聞以上批訪
聞陝西自朝廷以軍興於四路各權置轉運使已來逐

人惟以調度軍食為急其所取辦金帛又仰朝廷分頒之數是以本路經費歲入全闕官主領繼又諸道經界轉運司辟除文武官屬不少知監縣務多是寄居或銜校權攝即日所在茶鹽酒稅常課率皆虧耗朝廷雖已命錢勰權領轉運司舊日職事緣勰非有兼人幹力慮不可獨倚辦集况向去屯兵雖鮮完葺故壞費用尚多若不從今如意經營深恐異時有煩中都供饋中書可速選所宜佐勰之官故以命承之十二月二十五日鄜延路走馬承受楊元孫言近轉運司部夫往安定黑水堡摺運軍糧未至所運亦多不致士卒有飢餓逃亡大兵至四界白鹽池去懷州渡至百餘里科誣準詔已領

兵回恐近邊屯聚人馬轉運司供給軍糧依前有闕上
批鄭延路轉運使李稷應副軍糧闕乏車方及累奏証
妄致令行營士卒乏食若不差人代領其職付更正治
其罪則有誤國事不細可中書樞密院同議其事詔李
稷降兩官為轉運判官悉心職事如更闕誤當依九
月二十五日詔施行宣德郎張亞之李稷奏舉今幹辦
無效可罷轉運判官令赴舊任 五年二月三日詔涇
原路轉運司軍須並先令本路計置闕或非所產令都
轉運司應副七日河東都轉運使趙高落天章閣待制
追兩官免勒停知淮陽軍坐應副醜贓不如法稽違朝
旨也五月九日詔河東都轉運使陳安石前後奏請施

行和糴鹽礬坑治之類已成倫序今名除尚書戶部侍郎其職事委莊公岳蔡燁協心悉力奉行 六年正月十七日詔尚書駕部郎中王致臣為陝西轉運副使專在本司前此轉運司言本司官法當分巡州縣歲偏不敢留官在司凡有承受朝省文字不免於巡歷所在道逐故報上行下率多稽違故乞自今常令一員在司主領職事故有是命四月七日發運司言江東轉運司去冬並不計置糶糧乞欲問轉運判官鄭亶詔轉運司轉以經理財用供辦歲計為職今亶曠弛如此宜令發運司選官勅罪先是亶數上書獻均稅圖事日叢陛下以亶不修職事專務求奇希功久欲罷黜故因劾之九月

二十一日詔降授朝散郎守大理卿呂孝廉昨任京東
轉運判官與本司官長協心修辦職事致課入登羨可
復所降官為京東路轉運副使 七年三月八日詔京
東轉運使吳居厚修舉職事致財用登饒又未嘗創有
更革止用朝廷舊令必是推行自有檢察句考法度宜
令尚書戶部左曹下本官具事曲折從本曹刪修以聞
七月十三日詔鄜延路未句收積剩錢公據二十二萬
六千餘緡給陝西轉運司九月四日詔諸路科買上供
圓融抑配委轉運司提點刑獄提舉司點檢舉劾聽逐
司互察 哲宗元祐元年閏二月八十司馬光言諸路
轉運使除河北陝西河東外餘路乞置使一員副使或

判官一員從之三月十八日詔罷熙河蘭會路經制財
用司其本路財利職事併入陝西轉運司四月二日詔
諸路災傷賑濟并賊盜公事令轉運司兼管五月一日
戶部尚書李常言河北舊有糴使司專置提舉官經制
邊備後止令轉運司兼領以措置為名為按糴本錢不預
漕計難俾兼領請復置提舉糴使司詔可其措置司職
事令提舉糴使司與轉運司通管六月八日詔諸路轉
運司每歲支移折變並須躬親審度地利遠近順便體
問收成豐歉去處遵守詔條禁戒貪吏務從民便十二
日罷吳革江東轉運判官命先是轉運判官三員革替
齊謀而劉拯尚在任時有詔止除一員故也八月二十

二日詔應諸路轉運使副除河北河東陝西京東京西
淮南兩浙成都府路外其餘路分許差判官兩員十二
月二十二日詔轉運判官就除使副令通理為任四
年六月八日詔陝西河北河東路逐年封樁保甲冬教
賞物自今後免封樁其合用賞物令轉運司應副仍令
保甲司秋季約度錢數開轉運司豫排辦於教前足備
如還保甲司以聞當議重行黜責十一月二十六日尚
書省言改立轉運預放樂宴會徒二年法從之五年九
月十二日詔除三路外諸路轉運各權添差大使臣兩
員充準備差遣六年五月七日京東西路轉運副使
劉昱並提舉京西南北路將兵七年三月四日詔轉

運司管勾文字官除三路外餘路並行減罷其職事令
帳司官兼 八年七月二日殿中侍御史來之劾言張
景先自陝府西路轉運判官不半年就遷本路轉運副
使緣三路轉運副使例比諸路轉運使起升過甚昔劉
摯執政昵愛葉仲自兩浙轉運判官就除副使士論至
今不平今朝廷清明謂如葉仲僥倖之事不宜復見於
今日望賜寢罷元本闕 降旨 紹聖二年四月二十二日詳定
重修敕令所言以轉運司年額上供錢分為兩限第一
限二月終第二限七月終以前封樁於汭流州軍具數
上戶部從之五月一日戶部言轉運司淮南京東京西
路每年上供額斛依限樁足青州縣認狀報發運輩運

撥發司如不實並從本司申戶部委別路提刑司鞠勸
已報而擅易者依擅支借封樁錢物法從之 三年二
月日詔六路轉運司歲應輸米限四有有故未備輸者
次限補至末限足又有故發運司覈實保明申尚書省
即無故發運司申戶部下旁路提刑司取勘六路三限
皆却貯淮南路第一限十二月第二限二月第三限四
月江東路正月四月六月兩浙路四月六月八月江西
荆湖南北路二月五月八月十二月二十二日戶部言
每歲取索轉運司前一年內應干上供錢物有無不及
期限起發之數本部審覆以聞不以去官原貸詔戶部
每歲春季內具諸路轉運等司起發上供錢物多寡職

事修廢之尤者保明以聞 元符元年六月二十五日

朝散大夫權河東路計度轉運使郭茂恂降為朝請郎

以暹糧給軍雇車價少致擾民也 三年十二月十三

日

徽宗即位未改元

尚書省勘會近年以來州縣所收稅務失

於催收及諸般場務坑冶課利失於督責致連年次漸

虧少詔令諸路轉司各具析財賦闕乏因依及稅租等

合如何拘催諸般場務等課利合如何關防檢察以至

應于財用如何經畫措置限指揮到一季內奏報違者

尚書省舉劾施行二十八日兩浙轉運司奏本路連年

災傷賦入減耗拖欠朝省及他司錢三百五十餘萬貫

石欲望朝廷特賜倚閣奉聖旨分作一十五年撥還自

建中靖國元年為始每年須管均還一分逐年終拖欠不足所屬具數關本路提點刑獄司催促仍取勘轉運司官吏聞奏 徽宗建中靖國元年四月二十六日廣西路轉運司奏照會本路自來並是朝廷資助南郊在迤合用賞給錢伏望於本路提刑提舉司錢內撥賜詔於本路朝廷封樁錢內特借錢一十八萬貫分作五年撥還令借錢司分拘收依舊封樁 崇寧元年九月二十八日臣僚上言乞委御史臺考案天下轉運使副判官有不勝任者擇能吏代之俾計度其所部財賦仍令本司各開折每歲錢穀出入名數具冊關提點刑獄司驗實結罪保明繳奏送尚書戶部若故為隱匿及虛立

文費論如上書詐不以實律從之 大觀元年八月十
二日熙河蘭湟秦鳳路安撫司言乞罷熙河路轉運司
合陝西為一路添置轉運使副令兩員應副熙河從之
二年十月十三日詔江西路轉運判官侯臨江東路
轉運副使余彥明各轉一官先是詔二廣江東西湖南
北應副點南路錢物其率先了足者奉監南安撫使張
莊以聞故有是命 三年三月二十日江東轉運副使
余彥明奏本路礬貨乞從本司就委本司并逐州管勾
茶事官兼行管勾從之六月十五日詔江西兩浙湖南
北廣東兩福建淮南八路準此八月十五日詔應監看
礬茶市舶石炭之類專局去處近併入轉運司等仰逐

司悉力奉行如能職事修舉課利增羨當議推賞令戶部立殿最法申尚書省十月四日詔今後擢用監司除提舉學事不拘資格外所有提舉常平轉運判官用通判資序提點刑獄轉運使用知州資序仍以實歷知通有舉主無公私過犯人充選十一月十日措置淮南路警事乞令逐州常平或鹽香業人吏主行准朝旨諸路警事就委轉運司并逐州管勾茶事官兼行管勾看詳諸州管勾茶事官若非常平即是鹽香兼行逐業所管人吏不少自合隨官管勾從之四年四月八日戶部奏諸路轉運司前後借撥提舉常平司及朝廷封樁錢物萬數浩瀚又緣提舉司依條每歲却有合還轉運司

軍人代役請受并分收造錢之類欲乞諸路提舉常平
司每歲契勘本路似此應合還錢數更不改撥就便拘
留充填撥還從之八月二日措置財用所狀奉聖旨謹
定鈔法錢弊解池近興復過額依舊法通行已準朝旨
令諸路轉運使副一員主管外欲乞令所委轉運使副
於逐州選委通判或判官一員專切主管從之 政和
元年八月二十二日臣僚上言一歲之入莫大於租稅
而諸縣稅簿不依條式人戶納畢亦不驅磨及酒稅課
利倉場庫務交界官物買權酒坊河渡并房地基等
課利諸縣鎮雜收條者錢多不置都簿拘籍欺弊不以
又諸軍請給分孽小曆因緣侵冒歲終不曾選官驅磨

諸州支費並由糧料院勘給多不依條幫劣致有詐偽
月終又多不具已支物數磨勘對帳申轉運司轉運司
亦未嘗檢察準元符令諸官司置都簿五年一易具載
所轄應用簿曆其有增減次日報都簿司除附臣今置
造稅簿及歲納軍資庫錢物都簿并以帳案會計歲收
實數用置本司財賦都簿今後將逐州月申見在錢物
恭照仍親點對逐州逐年實收實支錢物置籍將逐州
磨勘司月申糧料院已勘給物數恭較以備計度均節
願特詔諸路漕司各檢察前後詔牒以遵奉次第纂類
推明督責州縣協力施行共圖成効仍望立限一季許
令州縣等各改正自來一切違法傷財事件特與免罪

並從漕司推原法意措置施行如限滿尚有違度從轉
運司奏劾重行黜責其有能悉意在公績如顯著者除
漕臣依條格薦舉外許本路監司同衙具功績保奏特
加褒錄詔令諸路漕臣詳臣僚所言事理更切相度如
委無撥授下便有補漕計則仰做此點檢施行 二年
二月十九日詔湖南運副張巖言運判毛衍湖北運判
王璫運副孫漸江西運副侯臨張根兩浙運副莊徽江
西運判賈偉節運判葉正國各轉一官以經畫斛斗河
水未凍已前轉般上京頗見用心舉職故有是命八月
二十七日詳定重修敕令所奏崇寧四年朝旨京畿轉
運副使提點刑獄席位並在三路轉運副使提點刑獄

之上崇寧五年續降指揮唯改轉運與三路轉運叙官
外提點刑獄即依舊叙位在三路提點刑獄之上有此
不同詔京畿轉運使副提點刑獄叙位並在三路轉運
使副之上其崇寧五年三月七日指揮更不施行十二
月二十五日詔江東轉運司官各特與轉一官屬官減
三年磨勘吏人各支賜絹一疋仍具合推恩人姓名
申尚書省以戶部奏發運司申本路今年上供額斛九
十九萬一千一百石率先敷足故也 三年正月五日
陝西府路轉運使陳亨伯奏契勘陝西路州軍四十四
縣鎮城堡寨六百有奇所部廣遠舊曾分擘別為熙河
路今來每年支降額鈔三百萬貫及茶事常平司認定

錢物岷峽錢監鼓鑄平貨務息錢川路物帛茶貨之類
與秦鳳路漕臣一員通管那移欲望聖慈依舊分熙秦
路別為轉運司所有永興軍路自來分定應副熙河錢
物依數管認詔依其財用據逐年所撥盡行應副如違
並以違制論若熙河因致不足失事者官吏任責加一
等科罪二月二十三日戶部奏廣南西路轉運司狀勘
會倉庫所收頭子錢自來依元符令以五分充係省五
分充不係省本路自降大觀元年六月十日指揮更無
轉運司五分之數一哀作不係省錢侵用今欲便行改
撥乞申明行下勘會近承朝旨止合據應收到錢以二
分屬轉運司今來本司申明元條內不係省字緣條內

別無稱說五分係省不俸者之文若依政和令以所收
頭子錢分用又緣已承政和二年五月十七日朝旨學
校並依大觀三年四月已前指揮亦合用分數頭子錢
民轉運司更無所得五分之數今勘當欲依大觀元年
六月十日修立到條令施行詔依二月十七日淮南轉
運司奏近來本路米斛價高糯米尤甚全少利息竊見
提舉學事司於酒價上增添錢收充學費乞比附於見
今酒價上每升更添二文候至連年豐稔糯米價低日
別行減罷又買撲坊場河渡課利入轉運司司淨利入
提舉常平司遇酷賣不行即依條均減如坊場興盛則
買撲人惟添淨利更不增添課利欲乞應人戶買撲坊

場河渡第三界滿無拖欠願增錢二分再賣者紐添課
利錢二分其合別名人買者亦據所添淨利錢數紐添
課利錢其錢並別樁管專充移用從之六月七日淮南
路轉運副使章公弼除尚書虞部員外郎夔州路轉運
判官楊達兼提舉馬遞舖朝請大夫江南東路轉運副
使孫漸輔朝議大夫朝請大夫荆湖北路轉運副使燕
若蒙轉奉直大夫當起發直達綱運之功也十四日詔
六路類斛舊行轉般淮南依條歲認水脚工錢四十二
萬貫可並支賜六路轉運司充直達使用七月十二日
尚書省言淮南路轉運司提轄催提直達綱運宋子雍
狀近熟檢得本路州軍裝廢地頭妄破諸般緣故至有

住滯等故妄特賜重行立法今修下條諸綱運裝卸無

故違限過五日者附載官物裝一日笞三十二日加一

等過杖一百三日加一等罪至徒二年事由裝卸官司

本綱不坐事由本綱裝卸官司準此仍各以所由為首

和雇私船運官物而裝卸違限並違限請過口食干繫

準此如事由本船者止坐船主人均備從之八月七日詔諸路封橋斛斗錢物輒支借

干繫人吏並斷訖刺配千里牢城官員初奏重行點責

九月十三日兩浙轉運司奏本路歲發上供額斛萬數

浩瀚奉旨直達都城唯藉綱運赴限裝發了辦歲計緣

本路所管綱船並是三百料與他路大料綱船不同除

許附載私物外裝發米數不多近朝旨許加一分口外

通舊二分附載私物今乞依政和令許二分附載私物
情願將逐船所剩力外如無私物攬載即加裝斛斗每
二十石添破一夫所得雇夫米錢不惟憂恤兵稍實於
官物不致侵盜兼亦使愛惜每船委得利便今來所乞
二分附私載物每船一隻裝米二百四十石外有六十
石力外若願加裝米斛每二十石添破一夫每船增三
夫以酌中平江府至都城地理約度共添得雇夫錢七
貫伍伯文米二石二對即與附搭客人行貨所得錢數
不致相遠所貴綱稍愛惜官物每船從之十九日戶部
奏京畿轉運司申明差官點檢無額錢已降朝旨係隸
提刑司拘收更不令轉運司干預乞將政和令轉運司

字改作提刑司字從之二十三日戶部劄荆湖北路年額上供斛斗三十五萬石先次般發到都數已足備除轉運司官已蒙推恩外有本司提轄直達綱運官鄧紹密伏乞特賜施行詔特轉一官 四年三月二十二日詔兩浙轉運司舊欠發運司錢每年帶還二萬貫先有旨每年帶還五萬貫至是轉運使李偃以應奉諸局支費有請故有是命五月二十四日詔諸路轉運司各具三十年以來每歲收支及泛支數令提刑司覆按的確結罪保明聞奏以臣僚言諸路關乏漕臣失職故也十月七日兩浙江西轉運司狀本路每年認發淮南本年冬次年春兩季軍衣紬絹承政和四年五月十六日敕

應副他路軍衣物帛並限七月十五日前到下卸處內
冬衣依條限送納外其次年春衣乞限隔年十二月終
下卸處之 五年二月六日淮南路轉運司狀本路政
和四年水脚工錢四十二萬貫節次承朝旨將一半分
賜六路應副直達支使外撥九萬一千五百餘貫充每
歲淮南打造綱船物料錢六千貫充六路合出備博易
賞錢自餘一十一萬二千餘貫作朝廷封樁了當所有
政和五年分錢乞賜指揮奉詔今後準此四月二十四
日兩浙轉運副使應安道奏乞依常平法每州於不許
差出官內從本司選擇強幹官一員管勾檢察收支轉
運司錢物并應辦歲計事務於頭子錢內每月支食錢

五貫文如職事修舉即許保明再任詔依餘路依此十
二月十四日陝府西路轉運副使任諒奏臣頃待罪河
湖申明將一路年計除破放倚閣外盡令知通置籍拘
催已蒙朝廷行下臣愚乞令關陝知通依河朔具合催
之物置籍勾銷府則專委通判其措置有方許保奏三
五虜推賞設或隱漏不實並按劾以聞詔依奏諸路並
依此 六年正月二十七日詔漕司管勾文字官點檢
一路財賦自熙豐立法不許差出又隨本司官巡按遇
有要切雖許暫差勾當歲終亦具事因聞奏今後除依
舊法外如別官司陳請差委雖奉特旨亦不許差出五
月十七日兩浙轉運司奏檢會已得朝旨委知州通判

或職官一員專一管勾裝發上供額斛候任滿日從本
司保明減二年磨勘及三十萬石以上更減一年及五
十萬石以上轉一官所有在任未滿三年替罷之人任
內所發斛斗能無違限所發米數已及原立萬數乞許
依已得朝旨等第推賞詔依任滿法八月二十三日詔
荆湖南路轉運副使程元佐本司主管文字蘇公十各
復所降一官轉運判官喬方減三年磨勘賞運漕之功
也 八年十月十八日詔諸路以失工供錢物限一季
補發數足違限不足申尚書省宣和元年二月二十六
日敕押綱人少欠上供錢物下本路限一季先次完發
如違依上供法施行十一月八日詔江西運副李令將

轉一官張孝純林箠各減三年磨勘運幹蕭序辰張裁
提轄俞應之張沆焦濟各減二年磨勘年限不同人依
四年法比折賞糧運之功也 宣和元年八月十六日
詔江南東路起發上供最少其漕臣特降兩官人吏全
提刑司勾追決杖一百以戶部尚書唐恪稽考到諸路
已發未發上供錢物數目故有是命九月二十四日詔
陝西漕司以都轉運一員於永興軍置司總治六路轉
運使三員分治每兩路一員主之 二年六月十九日
以領樞密院事董貫奏陝西邊事寧息乞依舊以三人
為額分治六路常留一員在司發遣內都運除分管兩
路外並總治其餘路事務詔從其請 十月一日

詔諸路轉運司管勾官並罷 三年六月四日詔夔州
路軍儲年計並入於恭澹兩州內大寧監監係糴本應
副一路可特許本路漕司同共踏逐奏舉才幹清強官
充恭澹兩州大寧知監差遣一次任滿無遺闕保明聞
奏 四年五月二十七日戶部奏諸路合發今年銀錢
帛絲綿已青限七月終到闕如違不以多寡乞從本部
具奏委官及知通漕司奏乞重賜點責若於限前率先
到京亦乞旌賞從之 五年六月二十一日戶部尚書
李榕乞諸路所起額斛除本年額數足外若更能帶發
舊欠斛斗從本部比較最多路分轉運司奏乞朝廷推
賞所貴有以激勸詔依 七年正月十一日御筆諸路

上供錢物可自今除格令令支撥外發運轉運使應取
陳請截撥及所在限滿不及數者並以違御筆論十九
日詔諸路轉運司錢物應支用者旁帖並經所在州糧
勾院勘勾右入政和給賜令二月七日又詔諸不經糧
勾院勘勾者徒一年二十一日江南東路轉運判官陸
真特除直秘閣以添認上供金銀錢帛斛斗數足故也
七月八日詔東西漕臣特道陳漕計全不修舉差提舉
江州太平觀八月五日詔燕山漕臣復置一員起復朝
散郎李與權除燕山府路轉運副使十一月一日詔諸
路漕臣錢物不以多寡並經官司勘實各相關會檢察
不得隱蔽寄收如違以違制論十五日兩浙轉運副使

程昌弼奏伏覩先任本路運使應安道等申請得旨依
常平法於逐州不許差出官內從本司選擇強幹官一
員專一管勾檢察收支轉運司錢物仍從本司置收支
并差出軍人等借請及批文驛料口券簿共四扇給付
所差管勾官收掌凡本司一錢一升一尺以上並注于
籍每季一易其舊簿限次季孟月專差人賫赴本司投
下如不依立定綱日約束事隱漏不實收支不明許臣
具事因奏劾重寘典刑內有職事修舉亦許臣保奏依
去年十月三十日御筆詔政治修舉者仍令再任一次
其職事優異者奏取睿裁別賜陞擢詔依內措置綱目
事件令諸路轉運司體做措置施行十七日兩浙轉運

副使程昌弼奏竊見漕臣以調度經費為職自來並不
會會計一路財用出入之數但止取過目前並無載籍
檢察鈎考故官吏得以公肆詆欺臣職司外計輒欲以
本路歲收歲支隋事分別科目著之編冊使多寡出入
盈虛登耗之數可指諸掌然慮州縣報應不能盡實雖
及成書又恐不免異時隱匿之患欲望斷自淵衷詔臣
編纂號宣和兩浙會計總錄候成進呈訖頒之郡縣垂
示無窮從之 欽宗靖康元年五月十二日詔轉運司
於諸州除依格上供數外不得以移用錢物侵占十一
月三日詔麟府豐嵐憲州保德火山寧化晉寧軍並隸
陝西鄜延路帥府仍令陝西漕臣桑景詢同河東路漕

臣竊竊專一應副增陝西轉運使一員起復王庶直徽
猷閣為之 高宗建炎元年七月十三日兩浙轉運判
官顧彥誠言經制發運司并東道都總管司差官來本
路判別侵蠹經費乞應逐司差官來本路判別錢物州
縣並須先申轉運司審度不妨歲用方得應副不許直
行取撥或有拋降須索計置物色等所用錢物並令各
司管認庶免侵損漕計從之同日顧彥誠又言鎮江府
丹陽縣有都大計置判別錢糧官刷去錢帛及樁管物
斛並係按月合支及上供歲額之數乞免行判別詔免
判別已樁下錢物通融支使如行在到不管妨闕十一
月六日江南西路轉運司言乞依已降指揮州縣監當

官闕令轉運司具名奏辟一次詔依諸路準此二十三
日詔曰國事艱難盜賊竊發帥司那移軍馬全藉漕臣
支撥錢糧應副訪聞東南監司陵轍帥臣漕司全不應
副殊失將命體國之意仰東南漕臣遇帥司那移軍馬
去處即據實狀奏聞十二月十八日江南東路轉運司
言靖康元年勅贍學錢糧物帛田產皆係轉運司窠名
拘收繕準發運司拘收充轉運糴本未蒙撥還詔令轉
運司拘收二年六月十六日司農少卿史徽言諸路
轉運司歲起上供糧斛合用舟船逐路各有船塢認打
額舡乞取會建炎元年拖欠并今未打船數令漕司打
造添補行運仍許依近降指揮收買舟船總計可載料

例各許理為年額至歲終令發運司具虧欠多虛濬司
官並打船合于官例職位姓名申取朝廷指揮從之九
月二十五日發運副使呂源言給納錢物並合付之州
縣庫分正附帳曆收之以防偽冒故專副立界以至繳
赴所屬驅磨監司巡歷點檢自應奉之後廢法玩令遂
自行收支宣和七年因京西漕司以錢物貯別庫移牒
徑取始立法禁轉運司應支錢物不經糧審院勘驗者
徒二年比歲因緣調發復甚如前於本司或隨行別置
庫局妄有支費望申嚴舊法期於必行詔如違徒二年
十月十六日江東轉運司言本路先行直達州縣當職
官起發糧斛無違限依法合該減年酬賞今來復行轉

般所運斛斗及自餘紬絹等物未有推賞明文欲候至
歲終將一路比較勤墮三兩處保奏乞自朝廷起發率
先數足去處特加優賞其通欠不足州軍嚴賜責罰詔
依諸路準此 三年三月十四日兩浙轉運副使王琮
等言本路利源唯酒稅與買樸坊場課利錢所收最多
近令逐旋起發應副車駕巡幸支用緣逐州多占充一
州使用不肯樁撥以乞縣丞簿州委通判每月將二
分收到錢拘收赴廳別置庫曆樁管類聚津發赴左藏
庫送納如州縣樁占借兌并所委官不樁收津發並以
違制論從之四月二十日詔京東西陝西河北東路州
縣員闕除知通監司及茶鹽等提舉官武臣城寨官將

領以上外餘稟關可令轉運司依八路差官條法差注
十一月十二日詔兩浙轉運司除承受行在指揮應副
外其餘去處令本司具所得指揮申尚書省取旨應副
從轉運副使陳逮之請也 四年五月二十七日三省
言江南東西路既分置三帥其兩路轉運司難以仍舊
分路差官欲并為一司以江南路都轉運司為名今後
差漕臣三員內一員為都轉運使並通管應辦漕計有
闕誤一等任責從之紹興元年正月十日詔江南路依
舊分東西路各置轉運司見任漕臣依舊分路管幹職
事十一月十五日戶部侍郎孟度言行在用度錢糧指
擬兩浙轉運司認定應辦除魯紆徐康國分定東西路

錢物自合遍詣督責拘催外緣行在別未有漕司官應
副乞添差漕臣一員專一隨行在應辦錢糧其給人吏
等並與隨所至路分則例差破詔依方孟卿添差兩浙
路轉運副使專一應行在大軍錢糧總與自五月七
日兩浙轉運副使劉寧止言諸州縣路店務官房廊及
賃地基等錢久來係隸漕司自經兵火州縣更不措置
或人吏作弊侵欺入已或形勢之家強占起造更不納
錢或非減落元賃價直欲乞本司委官專措置所有已
經兵火去處量行修蓋或召人賃地拘收合納錢專充
本司贍軍支用州縣不得干預所有無主地上亦許本
司蓋造屋宇或召人承賃地基與棧店務一等拘收可

以補助贍軍支費從之八月三日劉寧止又言前知臨
安府徐鑄申畫指揮將臨安府所入財計徑行拘收自
足以州文用更不令漕司干預移撥欲乞許從本司會
計本府寬剩錢物聽從本司移撥施行從之八月詔江
西轉運司依舊於洪州置司仍每年遇防秋自七月輪
郡漕臣一員前來江州與國軍專一往來應辦錢糧後
至次年三月防秋了畢歸回本司以江州安撫大使朱
勝非言前此轉運權在吉州置司江州置帥措置屯兵
防托江路正要漕司就近經畫錢糧故也十一月十二
日戶部侍郎柳約言江浙荆湖等路紹興元年分有額
上供錢物各限七月終以前到行在今計會未起發錢

物總二百五十八萬五千二百七十八匹兩貫欲乞逐路各委漕臣一員專一催督限至歲終起發盡絕如依前違限從本路具轉運司違慢當職官吏申朝廷乞重賜黜責詔依如少有違慢令本部按劾申尚書省取旨重行黜責人吏決配 二年二月四日詔李承造充兩浙路轉運副使專一應副劉光世軍遇有軍馬出入即委本官隨軍移運供餽從兩浙西路安撫大使劉光世之請也三月九日臣僚言朝廷出師置隨軍運使出於一時差委州縣謂非統屬則不從其號令運使視州縣既非本路亦不恤其有無至有陵轍官吏搜檢蓄藏或求羨餘以為己功欲乞大軍之行專委本路漕臣一員

應副專以往來屯軍州郡或師行去處察其欠闕通郡
羨餘以周給之事有統屬凡百易辦亦知愛惜錢穀不
至橫斂從之五月八日詔轉運司所置諸州縣回易務
日下並罷以臣僚言其奪錐刀之利牙儉之伎拘欄商
賈投稅之物抑令彊賣計物以出息錢至賣箕帚掃除
之具匕筯調筆之物其在外邑則又不免暗行科配臨
安府回易務元降本錢三萬七千餘貫一歲之間可收
息錢纔得一千三百貫有奇故有是命十月九日詔大
理卿張公濟除集英殿修撰充江浙荆湖廣南福建路
都轉運使於湖州置司十二月二十八日詔於常州置
司十一日詔罷兩浙路添差運判一員其人吏公使什

物等並撥與都轉運司二十三日詔兩浙轉運司於浙
西安撫大使司用申狀於沿海制置使司都轉運司並
用公牒二十八日詔今後催促錢斛並委都轉運司更
不差郎官十二月十九日轉臣呂洵浩言近遣郎中孫
迪督江西上供米比聞已起三綱將來可準官三十萬
斛上曰必待朝廷遣郎官催促然後起發漕臣失職可
責朕當面訓都轉運使張公濟俾先理會常賦若常賦
不入乃反務橫斂非朕愛民恤下之意三年二月十
九日詔應諸路漕司移用錢每季具支使科名申戶部
察其違法之甚者按劾以聞其諸州軍亦每季聞具本
處有無轉運司取撥移用赴甚處支使文狀申戶部互

換比照檢察以臣僚言漕司移用錢獨無所檢覈故有是詔四月十二日詔江浙荆湖廣南福建路都轉運司時暨添差屬官二員候催促今年夏稅并上供折帛錢物了日罷並從朝廷選差從都轉運使張公濟之請也同日江浙荆湖廣南福建路都轉運使張公濟言諸路轉運所收移用錢從來並係轉運司專委逐州軍主管本司錢物官就本廳置庫拘收遇轉運司取撥即一面起發州郡並不干預畧無闕防欲乞今後應轉運司係省錢並依條赴軍資庫交納收支其案各不同者各置文曆拘管應通判及主管司等處送納錢物並罷從之二十二日詔湖南轉運司依舊於潭州置司副使李弼

穉言乞依湖北轉運司因荆南府殘破於枝江野置司
例權於衡山縣置司宣諭薛徽言其不便故也七月二
十六日詔都督府已有戶部侍郎姚舜明總領應副錢
糧其隨軍運判可省罷八月十六日給事中黃唐傳言
祖宗以來置發運使非特運江淮之粟並青委催發六
路上供錢物以防諸司移用昨因言者乞罷發運使司
後來上供錢物頓失拘催避發運使之名改為都轉運
使司蓋諸路轉運司各移一路專以移用本路上供錢
物為事都轉運司專收糞上供錢物今內外臣僚復乞
罷都轉運司乞下吏部詳議利害有旨令戶部公共
定奪可與不可存罷戶部言自置都轉運後來比之未

置已前月日拘催起發過錢米金銀綿絹等一歲之間計增八十三萬九千九百餘貫石匹兩并點檢根究到諸路轉運司侵損上供錢物事件不一即難以廢罷每歲乞將本司催發過諸路合起年額錢物斛斗候至限畢令戶部考較所起分數多寡申朝廷賞罰仍於撫州置司從之二十一日詔都轉運司已移司撫州可存留屬官四員并指使一員餘并減罷二十六日詔都轉運使司官吏並罷令戶部將本司應干合行拘催諸路上供錢物等限五日措置却合如何差官催發又如何檢察漕司侵移積弊逐一條具申尚書省十月二十二日詔福建路提刑轉運司置司去處並依祖宗舊制先是

紹興二年已詔依舊制提刑置司福州轉運置司建州而臣僚有請而易其地至是言者論其不當謂建州置轉運司團併一路上供綱運經由本州催發豐國監鼓鑄錢寶北宛焙貢發御茶本州都作院歲造四色等軍器及上四州銅鉛場等處係本司收為便提刑置司福州係八州道里之中諸州刑獄案牘詳覆與決待報行遣仍所轄弓兵巡捕盜賊與帥司所在緩急可以商議為便故有是詔十二月十五日三省進呈差沈昭遠催軍糧事上曰差官數有言者蓋常賦自有轉運司官苟不職自當別選能吏豈可每每差官催督乎至於因事差官出外自祖宗時有之亦不得俱廢也 四年四

月十二日江南西路轉運司言漕計百色之費惟仰酒
稅課利比年以來州軍多以應副軍期為名一面擅置
比較酒務回易庫將漕計錢物取撥充本又於諸城門
增置稅務所收課息並不分隸諸司乞下諸路除帥司
措置贍軍外其餘州郡自行創置比較酒務并回易庫
及添置逐門收稅去處合起額課並并入漕計從之十
二月二十八日中書門下省言淮南轉運司今來別無
漕計難以獨置一司詔令本路提舉茶鹽司兼領本司
人吏減二分之一五年正月二十一日詔淮南轉運
司已省併外茶鹽提刑司並罷置提點淮南兩路公事
一員兼領刑獄茶鹽運司市易等事應干合行事件並

依發運使三月四日侍御史張欽遠言宰執侍從分符竹則監司之任宜稍增重欲乞每路改置一部轉運使以侍從官充從之四月六日詔湖南轉運司依舊於潭州置司以臣僚言昨因孔彥舟盜據州城權時移司上江今賊寇平定故也十一月十六日中書門下省言四川財賦雖各有漕臣經畫竊慮無所統屬常賦出入難以稽考詔趙開除四川都轉運使六年二月二日右僕射張浚言兩浙路都轉運使李迨近躬親遍詣浙西六州軍點檢過逐州縣違戾事件三百餘項並令改正及措置酒稅課利增錢僅五十萬賈詒李迨備見體國修舉職事可賜詔獎諭三月五日潼川府路轉運司

言本司織造諸軍功賞并官員支降官誥度牒綾帛每
年共造一十萬匹川陝諸路處屯駐大軍費廣闕之乞
特免織造從之四月八日諸路軍事都會行府言總領
四川財賦都轉運司自合依舊總治通融移用緣四川
係四路置司即與一路都轉運事體不同難以同共繫
銜詔令四川轉運司并趙開遵守施行十二月二十三
日臣僚言舊制轉運司官除授皆命詞給告昨因渡江
已後例給勅命近年稍復舊制轉運使副見命詞給告
運判委任與使副無異理宜一體詔今後除授諸路轉
運判官並命詞給告 七年四月二十九日詔淮南東
西路各置轉運一員兼提刑獄舉茶鹽常平事蔣璨除

淮東路轉運判官韓璉除淮西路轉運判官提點兩路
公事司官吏並罷 八年二月六日詔湖北運判夏珙
職事休舉候今任滿日特令再任仍陞充轉運副使
十年閏六月二十二日詔京西路復置漕臣一員兼提
舉茶監常平等公事襄陽府置司七月十四日中書門
下省言淮西係漕臣見係兩員其東路亦合一體詔淮東
路更除漕臣一員 十二年九月十四日刑部言川陝
宣撫司保明四川都轉運司主押官依茶馬四格法滿
三年補進義副尉本部檢照即無許補條法令來本司
檢坐尚書省劄子四川都轉運使李迨申本司人吏抽
差召募遭補出職應干吏額等事并依茶馬司舊法詔

令刑部遵依已降朝旨施行 十三年閏四月十日總
領湖北京西軍馬錢糧張匯言邊事既寧其隨軍轉運
一司理合省罷緣自求京西諸州更戍軍馬合用錢糧
並係湖北漕司兼管今來湖北京西御前軍馬合移運
錢糧欲乞專委湖北漕臣一員主管從之 十四年十
月二十二日詔淮東西轉運司併為一路仍以淮南轉
運司為名依舊置轉運判官二員所有提刑司職事亦
兩路通管以臣僚言淮西寬免賦稅與淮東事一體同
而無南北使命往來應副之費乞依舊併漕司為一路
事力相濟故有是詔 十五年四月二十五日詔四川
都轉運司罷其官吏依舊罷法見管職事並委宣撫司

以尚書省言四川駐劄軍馬已移屯近襄州軍錢糧自有
逐路漕臣應副都轉運司虛有冗費故有是詔九月
六日詔淮南路轉運司歲舉選人改官可依舊法先是
紹興七年權作東西兩路分舉至是復併為一故有是
詔 二十六年八月十二日上宣諭宰相曰新除兩浙
二漕臣可召至堂中面諭與近屢降寬恤事件到任後
令遍詣所部稅賦之足否財用之多寡民情之休戚官
吏之勤惰悉加訪聞如有奉行不虔職事不舉者並按
劾以聞庶幾可以警勸諸路使皆知所視初十二月十
八日詔省兩浙轉運司守次押綱官一千員從本路漕
臣趙子瀟請也 二十九年閏六月四日淮南路轉運

判官張祁言無為軍有贖軍酒庫元係都督府創置後
來撥歸朝廷歲收息錢八十餘貫乞將上件所收課息
權行撥隸本司應副支遣却將諸路州所認本司諸色
窠名從本司量度蠲減從之 三十一年九月二十六
日吏部言歸州復隸夔路即屬八路之數所有本州舊
職州縣官窠闕合從本路轉運司隨四季使闕擬差從
之 孝宗隆興元年四月二十二日都督江淮軍馬張
浚言差江東漕臣向子志兼都督府隨軍運副從之五
月十五日權戶部侍郎向伯奮言契勘內外經費至廣
全藉監司協濟依已降指揮如有不擾而辦者許本部
奏舉特行旌別近委兩浙運判陳漢前去浙西州軍催

發諸色窠名錢頗見宣力伏望詳酌指揮施行詔陳漢
特與轉一官二十六日向子杰奏契勘隨軍職事係干
四路全藉屬官辦集乞差置文臣幹辦公事一員武臣
準備差使一員許令本司踏逐選差從之 二年十一
月二十二日同都督江淮軍馬楊存中言契勘兩淮調
發軍馬隨軍錢糧最為急務淮西路欲乞差姚岳充隨
軍轉運副使淮東路欲乞差韓龍充江淮都督府隨軍
轉運副使專一應辦錢糧從之十二月四日四川總領
所奏緣收復秦鞏等州縣遂令置陝西路轉運一員仍
將階成西和鳳四州割隸陝西路已降指揮令到州路
轉運判官趙不愚兼權今來四川止管舊來界分却有

陝西轉運一司官屬尚存欲乞省罷仍將階成西和鳳
州撥隸利州西路從之 八年八月二十五日詔復置
兩浙路轉運司催促起發行在物斛官一員從本路轉
運司請也

轉漕存目不錄